



盤洲文集卷第五十二

啟十三首

謝試中詞學啟

追攀逸駕駕駘方困于奔馳推擇遺材在磔幸遊于
沙汰既擢桂枝之秀更聯棣萼之華人以為榮已獨
甚媿嘗謂昔人之學實期大道之明遠繩旁搜究聖
哲行藏之蘊博聞強識達古今治亂之源未嘗汲
于功名寧復區區于文藝迨後世設章程而取士故
諸儒追時好以謀身 奧義以榛蕪既滿潦根源之
失窺陳編以漁獵皆馥膏沾丐之餘故窮經淹貫者

或拙于文而獯藻道廉者又短于學舉由一律疇克
兩全愚賈搵金逐見訊于書廉輕縑窘幅終莫擅于
詞宗分甯並驅濫觴滋久惟昭代廣搜賢之路有詞
科籠拔萃之才為異時翰墨之儲極一旦措紳之盛
是必撐腸探腹該九丘八索之遺言出脇穿心聘三
都二京之殊軌夫能偶古作者茲可為時聞人如某
者愚鈍無長邁踈甚陋材既同于擗散性寔肖于棗
昏自家君有去國之行故幼歲失趨庭之訓瞻雲在
望見學治之相傳歷日彌長懼折薪之弗繼雜綺襦
而造迹對縫掖以行顏期自致于青霄遂力親于黃

卷然舌根莫之有得而腹橐終亦無竒窺豹一斑可
笑管中之淺見食雞千跣漫尋紙上之空言雖非倚
門牆而誦韓莊之書抑亦處猷猷而樂堯舜之道落
花點綴聊以自娛
連蜷伊誰見賞悵榮名而尚

邈慮素志之終違既不能脫一行吏籍之考將何以
尉萬里親庭之望決科孔易從枉事于彫蟲作文不
或殆何殊於刻鵲遂捐舊業遽習殊科楊雄寧免于
客朝班固屢酬于賓戲甫臨勅敵輒廁侯游戴從垂
纓于、為而來矣抽毫進牘屢、乎其難哉披石室
之奮聞擬玉堂之丕律成功曰頌慚周什之清風作

器能銘媿郢歌之白雪記序不工于述事表章復拙
于陳詞方虞鼠技之已窮豈意鴈行之並列獲紹滿
籟之業遂逝歛墨之羞驟拔虛名敢自希于雙壁尚
遺季弟終有愆于三珠碩此叨逾由夫幸會茲蓋伏
遇相公中興名相間出真儒國勢既尊增大呂九鼎
之重台躔有爛鹿秦階六符之光雖伊呂之佐無以
加彼蕭曹之勛不足進當君子長育之盛世推大臣
教戴之仁心遂致冥頑亦蒙甄採某敢不磨礱事業
砥礪廉隅刻意讀書願入崔公之室銘肌振德敢荒
陸氏之莊 知舉直院給事受天英名氣世真儒追

渾噩以還醇極內相代言之美竭忠嘉而論事振東
臺批教之風懷推轂之仁心典揚衡之公道選吞雲夢
者八九既已包荒取武成之二三未嘗求備幸託扮
榆之好漫成桃李之陰曾是冥頑亦蒙甄採 參政
明堂梁棟清廟鼎彝遺聖主而上下交欣沛巨奧之
縱登有忠臣而姦邪不起凜猛虎之在山偉然百世
之師卓爾萬夫之望當長育之盛世推教戴之仁心
遂致冥頑亦蒙甄採其敢不磨礱事業砥厲廉隅傾
液漱芳庶足三冬之用騁妍抽秘或推一日之長誓
彈犬馬之誠少効珠環之報樞密期堂梁棟清廟鼎

夔偉然百世之師卓尔萬夫之望發謀右府賴曲遂
之腹心將命遐方得月支之要領每極招來之道曲
懷推挽之心下同前

謝勅眉進書改官啟

丁年諾仕瞻上相之後塵甲令奏篇玷中都之顯秩
脫選調七階之冗級朝班八品之華受賞非常歸息
有自功以策名委贖期夙穴之高翔躡級限年覺天
梯之難上反故紙而汎迷州縣之職懷漫刺則趨趨
公卿之門然而玩歲居閑吏課鮮周于六考起家寡
援薦書莫望于五章錄亡奇滄一皆是書局素稱

于捷徑士林咸指為清蹊雖曰便今著為律而疏為
今不妨稽古論其詩而讀其書至積久以成文復叨
榮而更選歛重條章之出遂無資格之拘如某者穢
線何長囊雖非穎假蔭始慚于高士立身期企于醇
儒久勤陟岵之恩常佩過庭之訓斗南與對惟黃卷
之聖賢江左相傳有青箱之家世偶彈薄技輒中異
科幸結後而登王畿免抗容而走依狀備員公椽接
武英游溢甫刑則除之初無鈎枝之善取秦法之宜
者莫知據撫之因逮三尺之克終誠萬分之何補絲
綸錫命既仰拜于楓庭紳笏生輝若重登于桂藉茲

益伏遇某官謀深挈國術妙取人王室中興雖一木
獨成于大厦泰階相比承衆星同拱于北辰方參才
芝桂以自資故營蒯然麻而無棄遂令弱植亦預優
恩某敢不益厲遠圖更堅特搵狗馬自度莫知酬報
之方桃李不言盡託生成之賜

謝除秘書省正字啟

約法三章初之刊修之善聚書四部適叨是正之除
仰拜恩私內深感懼切以乘槎問漢瞻東壁之文星
結綬登畿列西崑之仙籍是稱美職以待勝流蓋將
為選用之階故聊試校讎之事惟圖書之錯亂從古

以然而籤牒之散亡於今尤甚幸昌代求遺之既廣
致積年著錄以寢全多魯論之上篇類皆紛糶脫酒
誥之一簡詐免斷殘豕亥相傳銀根本定克稱厥任
不唯其人如某者識智卑凡材資么庸伏周孔之軌
躅雖欲自強漸游夏之淵源其如弗及每省鼠躬之
技敢避狗曲之唾更刻楮以偶成致吹竽而濫中脫
州縣一行之吏裁國家三史之文奏篇方冒于殊恩
出絳復躋于華貫才非七步已無子墨之可稱學媿
五車政恐唯黃之妄下遂竊登瀛之美更增入洛之
榮接武英躔偶棣華之同列覃恩藝圃庶藜狀之分

光自揆僥適率歸推捧茲益伏遇某官經邦道備致
主勛高巨繼濟川獨任維持之重大鈞播物曲全造
化之工若富家魚積于膜腴故匠氏不遺于猥闕致
茲瑣質得造清途某敢不克己自修銘心圖報朝廷
既正固無劉晏之憂書策在前遂畢李邕之願

台州通判回謝少卿啟

庀職鉅黃但索東方之米叨榮銀艾來題仲舉之輿
敢借蔭于卿雲庶免愆于官海恭惟某官材高百鷲
名擅一夔博物洽聞學周公仲尼之道同工異曲有
相如揚雄之風蚤濟美于相門旋蜚英于仕路進陟
冰廳之直有嘉綿範之儀漱石枕流方叢祠之燕養
鳴玉曳履佇華貫以橫翔某久矣仰高行將快覩未
通名于記室已拜
引頸光塵譬草木君之
味也服膺碎翰贈瓊瑤我何報

賀未提州到任啟

伏審寵拜除書榮將使指方君行仁政務臻禁罔之
寬啟下無冤民九遠憲臺之選僉言有愜刺部相歡
恭惟某官象載岳光龍淵擢穎厲枕流之清節覽翔
奴之德輝肅括洪深不言而脩四時之氣沈浸醲郁
所著皆約六經之文祀初荅于鳴騶望遂諧于側席

聊纓情于好爵即策足于要津開卷蓬丘下太一青
藜之杖題輿芝甸貳刺史銀菟之符中臺已歎於卽
潛問館乃求于吏隱惟今淵部蓋列帝畿總一道三
尺之權問七州六條之事疇咨明允來職平反出符
占星有赫光華之遣埋輪揆日式先畏愛之傳請民
無取於高刑居位已奔於晉盜攬轡何久賜環可期
其赳赳小有倥侗晚出抗塵官海初無一日之長借
蔭卿霄幸有二天之託未能揆屨敢問典籤

回錢簽判啟

伏審光拜宸恩榮司郎畫柱書郵之見及欣騎氣之
昂來伏惟某官材智高竒机神驚秀過庭有詩礼之
學傳家得忠孝之風久藉之于芳猷蓋駸於臚仕
暫總六聯之政俯參一幕之賓繼踵相因固棠棣青
毡之舊信眉啟論稱芙蓉綠水之游技擢可期挽苗
寧久某頃求補外來選治中聆德惟勤將親仁子僚
友効官有賴庶逃責於公家

賀錢運使到任啟

伏審先奉制書寵時使指一言寤意載嘉前席之陳
九式均財遶東外臺之寄僉諧昏慶刺部知歸恭惟
某官養氣至剛知言有要清明內照考之皆有宮庭

悃悃無華譚然不見圭角惟家傳于忠孝宜世濟于
功名方特爨波燥茗之權已見攬轡登車之志厥今
湖部實謂帝哉故繡衣計使之除即紫橐從臣之選
此虛茲位始得其人欣出綍之占星聞埋輪之揆日
一日食二日貨既知疆國之源流千斯倉萬斯箱更
賴裕民之方畧行將飾擢 豈淹回其握躡小才慙
侗晚出抗塵官海曾一日之無長借蔭卿雲幸二天
之有託

賀李樞密啟

伏審顯拜恩綸進持幾柄當五百興_王之名世光啟

豐功唯二三執政以便民疇咨碩德除音既洽頌語
允諧恭惟某官識遠而明氣剛以大宅英華于道秘
漱芳潤于詞源彈見洽聞已貫穿于今古獨行特立
不吐茹于剛柔掉鞅巍科振纓曠仕贊理官于輓棘
游省戶而握蘭久陟都公式騫法從對溫顏于青瑣
屢罄嘉猷承密旨于黃樞益隆瓌望果奉絲綸之寵
遂登惟幄之崇南北兩朝方干戈之載載東西二府
宜文武以兼資更賴贊襄共躋晏粲某鴈塔緞年家
之好麟臺叨朝路之榮友即庇身悅置郵之傳命台
階矯首因筆墨以成文退惟贊喜之深深切瀆尊之

俱

賀吳運使除直秘閣啟

伏審光暉溼息進却顯職埋輪道上成方肅于外臺
出綈廷中榮遂躋於內閣十連相慶萬戶謂宜恭惟
其官志度淵英宮庭高疑探壘丘之古訓包川嶽之
靈暉絕後光前唯琢磨于道德棚中彪外不吐茹于
剛柔蚤負遠猷益騰碩聞播弦敬于鳧鳴贊筆削于
鴻樞論議喟然風流藉甚斐波燥茗見有同將明之
材輓粟飛芻懷天下澄清之志既信眉于善類宜索
足于奸朋計定心君知所取而知所予望高庸使得

其祿而得其名浸結上知式騫中秘有煥星華之寵
更隆刺部之權將朽貫于邦儲晉楚之富不可及也
即翔櫻於禁密管晏之功可復許乎某偶得微官莫
瞻崇伋速置郵而傳命喜氣惟深因筆墨以成文燕
音是懼

賀何中丞啟

伏審出綈楓庭振纓相寺論諫皆本仁義夙著丹青
吐茹不以剛柔聿分白黑除音四達僉允一同恭惟
某官實大聲宏材全能鉅窮草木多聞之觀蹈詩書
百家之言繡口錦心後學者有所統瑰意琦行諸大

夫皆曰賢早得雋于魏科旋躋榮于拱著是正嘗來
于藜杖枝讐久對于芸籤六察奉公振山岳動搖之
職一言獻可當國家聞暇之時即長諫垣有光從縻
遇聖主和顏而納誨故爭臣造膝以伸辭天上麒麟
來表康朝之瑞人中屈軼益高指佞之名忠謹侃然
功效卓爾迺峻籠街之寵遂隆專席之威風厲霜凝
良藥少資於利病雲從霄滄巨川行賴于作舟某稍
聞光塵欣聞成命耶馳誠于削牘敢廢禮于司函

賀執政正旦啟

林鍾上生太簇寔函鳳律之和攝提正于孟陬茲協

龍躔之紀惟祿通于庶物宜萃聚于多祥恭惟某官
道貫孔門氣吞楚澤侍言帝幙恭二三執政之班發
綦儒林當五百生賢之運履端于始降福孔皆某偶
縉微官阻趨崇叔遙想頌花之列敢修行李之儀

賀兩漕進職陞副使啟

伏審深知自結異寵昂來內閣聯榮益邃雲章之直
中都改觀更崇星節之稱除日四馳歡心一律恭惟
某官洪深置度茂粹凝姿學廣聞多友古人于千載
材全能鉅備和氣於四時久將漕于玉圻浸豐財于
國帑振點否陟能之任得取羸散滯之方刺史問以

六條成教禮肅天下號曰八俊望冥具孚荐拜懋恩
亟躋顯職仰使名之既正知朝著之有先雖屈皇華
尚賴衣牛之助即持從橐共期金馬之登某席庇偏
州馳誠崇伋敢擴輿人之誦用塵執事之尊

賀湯運使到任啟

伏審命傳文陛寵陟計臺第二千石之治平無臣出
其右者摠十五州之飛輓有人然後充之刺部知歸
僉諧胥度某惟某官鳳麟嘉瑞川嶽靈暉學漸稽古
之源不負康朝之畧自摘髡于上第旋策足於亨衢
取業粹然敬華藉甚江淮草木知剖符持節之名雲

海蓬萊寓磨槩懷鈔之直當近郡荐更于秕蠹故清
朝遴選于賢能既于室之鳴弦果十行而賜札厥今
制部宴古王畿惟補衣使者之除即紫橐後臣之選
占星出緯爭聞竹馬之迎諏日登車有賴木牛之助
考夏疇于八政振漢制于六條善類信眉毒朋落膽
連城帶邑問出入之錢穀幾何足國裕民知取予則
古今一也行將拔擢夫豈淹留某趑趄凡材倥侗晚
出抗塵官海初無一日之長借蔭鄉雲幸有二天之
託礼未伸于撰屨誠敢布于典籤

盤洲文集卷第五十二

盤洲文集卷第五十三

啟二十一首

賀何樞密啟

伏審寵傳鳳詔位陟鴻樞天子守在四夷方底修文
之盛公輔間于兩社允資同德之良帷幄有光紳綏
相慶恭惟某官人倫儀表天下中庸克醜舜薰絕翰
墨之畦遙周情孔思酌道德之淵源久歷通津存居
言責丹旣掌受書之栢絳騶揚清蹠之威志在擊邪
如鷹鷂之逐鳥雀事先去甚當豺狼安問狐狸較自
南臺進登右省身享懷金之樂人歆執玉之榮簡求

茲得于真賢康濟益隆於極治益一國之慕巨室為
政不難惟三公上應台階斯拱面瑛某竊觀除目偶
抗塵容削牘傾心敢贊典籤之喜投衿接武莫勤倒
屣之迎

與交代石監丞啟

伏審瞻天拜命暫違金馬之班消日治裝朱佐銀菟
之政搖心比屋企踵前騶恭惟某官量賦登閱識該
貫變振魯叔復異之學讀黃童未見之書六翮高飛
三科連中酌淵源于道德異乎綆短而汲深煥星斗
之文章所謂天寒而色正紙見洛陽之貴馬驚冀北

之空既發穎于俊躔遂躋滌於華綴前主所是著為
律爰筆削於金科三人同行必有師久範摸于玉葉
旋奉虎闈之寵共期黿禁之游何挺特之英姿碩翮
翔于半刺雖山登桐栢有仙跡之可尋而社接枌榆
宜民情之素習政恐賜環之趣不成煖席之期其一
別瑤林五遷緹籥詞壇給札嘗叨采菲之魚收即壘
題輿不意積薪而居上况甲族有親學之舊復周行
依蔭越之餘迨茲糠粃之揚實賴瑾瑜之匿披承云
逐欣慝惟多更蓄冲襟益叢嘉祉

荅謝將仕投贊狀

講聞雋譽願拖令儀辱謙收以光臨肯賤函而下問
雖成蠅誤墨昔嘗被羽以先登而得魚忘筌無復顧
因而羅進益媿瓊瑤之振第榮錦繡之藏

謝人投所業狀

比辱先臨寵詔雅製抽琴命操詎知山水之音下筆
成章有覲瓊瑤之振

謝人惠生日詩狀

特勤都騎寵况佳篇牛斗不神媿名教之何有參辰
相此觀光煥以非常退唯褒拂之私良積感藏之厚

謝人惠生日詩狀

男子占熊羆之祥猥勤齒錄美人贈錦繡之段益育
身榮方下拜于鍼封將永藏於中衍

賀胡提舶啟

伏寄疏榮細札拜職輜軒傳教五嶺之南講德百僚
之上恭惟某官軼材兼天達識不群抱圭璧之瓊華
探簡編之奧府久居別駕深鬱遠圖茲奮迅于星輶
耒典司於浪舶惟犀象珠璣之湊置使匪輕非山林
川澤之饒輸公有限必賴美鞭之智自多航每之珍
僉曰得人可以利國第恐注思于宣室靡容留憇於
外臺某風仰光塵未親謦咳豈期留落于此乃得忻

蒙之休敢寓意于書郵庶聞名于記室

回廣州羅通判啟

伏審受命監州治裝隄頡咸驥眉示英矩已傾耳於
先教伏惟某官學擅紛綸才誇典嚴嘗因野鵬而作
賦復為仙羊而拜官荐屈題輿不辭叱馭耒康南海
少頃別駕之功入拱北辰高應列星之位某暫緣攝
事將獲承顏書託翩媿報章之不敏行邁靡願
旅食之益調

賀饒州洪印中啟

伏審眷深前席寵拜左符燕寢崇陰方畫戟新臨於

風月螺洲芝嶺皆繡衣舊領之山川初布教條遠聆
謳頌恭惟某官書軒倚相識博胥臣起卓見聞東春
秋之五傳增多訓故說離騷之一徑網羅闕里之蟬
鳩是正昌黎之奠魯沛然學問籍甚殷名聞天祿之
陳編先分天乙賜隄棗之佳墨文應列星迺持刺舉
之旌常奉平反之笑賣劍正傳于淮甸夢刀復至於
江城召王褒而作詩將聞宣室見蓋公而問治欲避
正堂即有稟論入叅禁彙某騷^聯違之久慕仰益深頃
講宗盟不棄宅楊之謀茲叨河潤尚稽維梓之恭歲
事向闌都章多暇願謹鼎禎之節益隆襟履之休

賀肇慶劉守啟

伏審疏榮象闕作鎮龍藩瓜戍指期允協東龜之吉
棠陰尚景已傳今綬之謠恭惟某官至德中庸大雅
宏達圭璧豈迷邦之寶鞭袖推葦經之材蚤馳問于
朝端復承流于廟表揚仁風于贈扇來福遐萌沛甘
雨以隨車遠追前躅即聞異政遂下褒綸某甫間芝
眉察叨樾蔭揚衡賓閣莫瞻五馬之尊寓意管城奚
振雙奠之遺

回鄭德慶啟

伏審承榮鳳闕宣化龍藩時望允歸風謠立振恭惟

某官襟靈磊落智畧高明豫章呈嶽壑之材大呂擅
尊朝之器久潛官海連把州麾硯臺方選于一錢錦
石又歌於五袴鹿効祥而夾轂不墜家聲續務今日
賣刀益崇治行即聞褒召遂陟通階某頃際英躋獲
親清誨驥眉畫戟何因樂霧之披寓意短絨莫報卽
雲之賜

回曾解元狀

鑿鋒筆陣彼烏敢當我哉造勝文場無能出其右者
鄉評允惟儒黨有光先輩積思三都馳芬五領充牧
簡編之讀優游翰墨之林文最善鳴白也詩固無敵

言多寔用誼之策豈畧行瞻鴈塔之崢嶸指鵝行而
騰蒼肯迂逢掖見賁長殘其久矣講聞欣然諧際攝
空泮水獲聞擲地之聲遠迹瀛洲莫快如墻之觀

回侯解元狀

爭鋒筆陣日五色以齊驅造勝文闡心三星而著象
敵馳粉社喜動蘭陔先輩韶護諧音梗柙聳幹學周
公仲尼之道特立獨行有相如揚雄之風同上異曲
不輟夜分之習素高月旦之評果得雋于槐黃將巢
勳于芥紫章、鴈塔哀、鵝行某舊矣知名斐然識
而攝空未幾初非一卷之師揆藻肯臨琛媿隻金之

報

回戴解元狀

爭鋒筆陣少陸机作賦之年造勝文闡冠王勃齊名
之傑聲馳里社喜動親庭先輩囊穎有聞席重是似
平時妙童子之作既擅價于彫蟲一日中有司之程
果賞音子唯覓不負槐黃之舉能收竹素之功唾手
巍科致身榮路某久欽警悟幸際清揚暫尔攝空弗
補撞鐘之問惠然摘藻有慚報政之章

回傅解元狀

竊審席珍長圃副嘉詔之詳迺造勝外臺占賢書而

獨步它鄉改觀音堂垂光先輩賦嚴孔門氣廟屈壘
果見舊毡之得不負短檠之勤出月脇以蜚声一枝
可折振風翰面借便萬里為程某頃幸承顏欣聞中
的遂迂方履見詔金薤之辭不腆報章有媿木桃之
付

代人謝鄭漕舉改官啟

賢赤側三官之事浸然終更受皇華回牡之知頓增
倍價感藏心石喜動背芒竊以鳥有鳳而獸有麟咸
知為瑞木在山而馬在肆孰辨其良惟真賢司濬鑿
之公故後進得併蒙之託然錦心繡口者或有山川

之險而蠟言拖貌者曷分珉玉之殊狐裘反衣而有
之相舟不過亦多矣取人失之子羽何以得才草奏
不如陳湯難哉知己謂予不信從古以然如某者馬
走角凡鷄尸用小自保歲寒之質未高月旦之許非
韞匱以求沽何席珍而待聘徘徊九品幾韓子之無
歸坎壈于年真釋之、不調偶銅山之設屬致菽水
以奉親刺史部州十三自慚黃綬城南去天尺五莫
借丹梯初無鸞鷲鵝雛之稱安得蚍蜉蟻子之援豈
期內舉獲廁下陳某官濟美相門摹芳聖域專備斧
振威之任銘緇衣好賢之宜君子存心既埋輪安閭

當路執事過聽乃推轂

言何知桃李之陰近

在瓜葛之末某敢不服膺吏道律已官箴巢寄一枝

不作南飛之鵲印垂三 庶晞 碩之龜

代承務郎謝梁侍郎舉陞陟啟

曳裾求見偶志日而中眉 牘受知遂鑽皮而出羽
有識相慶無言可酬竊以國家崇紫橐之班三年使
之延賞銓選厄倚福之路五官然後陞朝已離竹馬
之遊真作土牛之鈍厯倉氏庾氏之職至于再三合
社即廟即之員動以千百抗塵竟走于俗狀累日未
離于小官惟寸進之艰难曷丈量其長短黑頭年少

誰稱釘座之梨白脚門生寧望迎霜之兔倘非論荐
孰得甄升如某官蟠木弃材蕪苓下品學未知于習
是文不造于細奇良治為裘莫繼槐花之舉尚書給
札空慚棣萼之編猥以門資廁于仕版已分為國舍
虞比之伍見識于封胡羯末之間敢希樊帚之千金
自嗟駕馬之下駕才不才各言其子方景行于芝蘭
幼吾幼以及之人遂兼收于葑菲寵踰意表喜溢顏
行某官江左與王之臣山東相國之種龍返鄉而蛇
得霑首佐命以負羈魚從壑而鴻遇風久論思而簪
筆進人將加諸膝慕才而貴其身分濁涇清渭之源

賞流水高山之志何 刻畫六及盤跚某敢不劇目
囊箱游心刀篋有絲麻無并管荆仰戢謬恩投桃李
振之瓊瑤誓堅後効

代徽州尉上太守啟

仕而求祿腰黃緩以遵期我獨有天目未轡而結想
將承顏于旦暮敢問訊于寒溫伏念惟不逮中技惟
每下久焚膏而徒晷非藏器以待時鯉退學詩恐墜
過庭之訓孔門用賦妄希入室之工屢踏槐花晚穿
揚葉脫白丁而拜躄齒黃甲以彈冠方塵九岳之激
復占百僚之底一行作吏未伸北却之威三釜及親

獨喜南陔之養問津，始旬庇甚優恭惟某官識冠
倫魁學窮淵奧珠藏壁韞曠千載而流光鯤化鵬飛
搏萬里而直上未登金馬聊佩銅魚惟大賢無所不
容故小人恃以不恐忤蒙有賴插楚可逃敢不律已
官箴游心吏道牛刀而割雞木用敢追顏籀之風雞
薦而累鶩不如尚冀孔融之鑒

又迎新守趙監丞啟

紫禁疏恩榮佩左符之重朱轡戒道聿嚴前弩之迎
老稚知歸封圻改觀凡叨吏屬倍激歡悰恭惟某官
川嶽靈暉鳳麟嘉瑞出神明之貴胃負標的之清規

德備忱恂獨樂東平之善學該貫變盡讀河間之書
早掇魏科浸躋臚仕自典尚方之職益宏大雅之休
肆外闕中議論冠諸宗室光前絕後名聲顯于朝廷
暫違金馬之班荐紹銀菟之寄紹裝伊始流化有期
幸此富州得依慈父維叔度之來何暮式佇禱禱胡
陸君之去不啻弟先衣佩使幼女復興于考行豈小
人敢致於私情遠徂昔賢政在今日恐崇陰之未久
即芝檢之昂來集趑趄凡妾倥侗晚出賦鼠躬之短
技守狗曲之淺聞屢蹈槐花偶穿柳葉初占百僚之
底未聞三尺之後仰恃悒悒庶遊楚信眉自慶將

逆流水之知引領方勤佇快青天之觀

代齋長見新教官啟

仰如北斗夙裝殆景之懷志在高山將遇知音之聽
敢修尺楮庸布寸心伏念某曾奉單平稟非竒卓夏
弦春誦宮坐對於短檠朝蓋暮蓋幾悲歎于長缺邈
閨川而泛梗樂鄙水以采芹溫陪講說之儔蔑有切
磋之善中焉行役進矣滯留復尋仲蔚之否已失却
郭之步處齋房之前列曷足長人直橫舍之攸司環
今代匱方超槐黃之舉安希峯紫之榮欣哲匠之昂
未冀頑資之速肖火衍掛一席窮犧畫以東歸宵雅

肆三或俟庶鳴而西笑夫何僥倖有此際遭恭惟某
官學博五車文兼千彙燕之甯荆之幹獨擅美材湯
作護舜作韶且荐清庙屢鼓詞闈之氣益馳藝圃之
宕驚大器之晚成快景星之爭觀廣庭首唱諸老先
生未能言便坐口談當時弟子有所記三嘆坐毡之
冷久期朝席之重即有褒鑰入路華綬遶衣、青雲
之上豈替、絳衣之間尚容負笑而前少逆撞鐘之
叩某自鞭十駕願及三隅問鑄金得鑄人已獲求師
之益若食鷄必食跖終收善學之功
代董承事以二百歲得官謝縣令啟

盤洲文集卷第五十三

盤洲文集卷第五十四

啟二十六首

代廣東帥屬謝帥啟

問津黃木之灣甫窺官海竄籍紅蓮之府仰泛息波
即尸素以懷憂敢殺青而通謝伏念某稟生椎魯探
道艱難拜千佛之經莫能趾美聯五星之集有媿齊
稱學書既已不成為器遂同無用濫塵官簿空積歲
躔因定省于親闈遂徘徊於災嶠歎庸材之墻面筮
臚仕以灰心臨淵羨魚初覲叢祠之未秩乞漿得酒
乃叨戎幕之下陳徒誦過庭之訓未聞作吏之事無

片長可勝任使奈狹見不足激印非賴包容難遜汰
斥恭惟某官雕龍傳學唯覓垂先蜚紗譽于簪紳補
嘉謀於帷幄課光撫字聿高候竹之分志在澄清克
受皇華之遺荐佩十連之寄歷提五管之封里詠塗
歌已治禱禱之樂山行浦宿寂無枹鼓之鳴宜錫詔
綸入持從橐豈令賤子久託餘輝某率爾彈冠欣然
望履見父之執分自躍于鑪錘御衆以寬願少私于
轡策

代高要丞上鄭守啟

餬口四方安發彈冠之請庇身大邑叨居涉筆之宮

正結想于高牙輒霑情於小牘伏念某學初茅塞識
遂棗昏語寧反於三隅能不名于二藝白駒過隙雖
抱子以何知黃金滿籬在傳家而有豚亦嘗話仕纒
得奉祠方九重天遠念于澤南故萬戶縣皆為之立
貳首令攝事未通為改之經足以送窮不勝負公之
媿越越欲進瘵曠是憂仰庇卿雲豈無道地此蓋某
官鵬圖擊海鶴瑞鳴臯獨鍾喬嶽之暉共推清廟之
器荐都顯職大播伏教瑞既協于夢刀仁即揚於贈
扇葱，王者之氣夙重潛藩廩，君子之風聿追顯
祖惟陂量兼容於弱吏庶輒生得視于聲丞某整楫

非遙執鞭可冀自思牛馬之走無所取材甫親鴈鶩
之行敢不盡力

代封州簽判謝帥啟

餽口遐方妄發彈冠之請庇身近郡叨為入幕之賓
仰載厚恩敢通小牘伏念某學初茅塞識遂棗昏語
寧反于三隅材不名於一藝白駒過隙雖抱子以何
知黃金滿籩在傳家而有黍亦甯卜仕纔得奉祠頃
辱外臺俾丞大邑偶黃芎之感瘴致符李以愆期仰
惟元光之尊獲遇丈人之行進瞻步武幸披霧于公
曲賜齒牙遂回春于寒谷殆類塞翁之失馬自驚

龍伯之待鰲惟有感銘莫知論報此蓋某官包羅間
氣貫綜多聞闕紫闈之榮途贊黃樞之密議始居輔
郡無庶民愁恨之聲暨擁使軺有天下澄清之志遂
臨八桂即諫兩岐旋出綽于西垣迺建麾于東廣寬
猛相濟茂懷市虎之疑剖決如流不事淵奧之察俯
憐窮蹙遂致僥逾其敢不度畏簡書力鞭駑鈍量長
技短雖無尺寸之能抱公城私或覲涓埃之効

代謝吏部李侍郎啟

杞麾五領已銷西道之聲出綽九重復玷東偏之寄
裝懷增懼揣分知歸伏念某業守青箱用慚赤箭賣

刀買犢荐辜銅虎之分輓粟飛芻未達木牛之運牧
人久矣奏課缺然恐獲戾于備負忽拜恩而吏治仍
躋延閣併寵哀蹤此日集衙無間若之龍戶宅時報
政空貽辱于羊仙僥倖如斯改噓有自此蓋某官量
侔山藪識蘊著龜蚤知藉稻之文獨富梨花之論主
刑仁恕議者謂過于張典選清平人曰後有盧李夙
懷推輓共賴主盟惟曲賜于品題致連叨于任使某
自闕星躔之觀屢驚斗柄之移軟水易心益厲吳公
之操薄征疎目仰師韓子之言

宮使梁尚書啟

某官生逢慶會譽滿華塗有燭照龜卜之問兼地負
海涵之量得劉晏之取予任蕭公之轉輸足用地官
斗筭之徒何莫也伸威天府銖兩之竒皆知之蚤聯
職于寶儲暫均休於珍館獨司推輓共賴主盟載惟
鼠技之窮夙受鶚書之薦傳之羽翼賜以齒牙獨私
華袞之榮猥遇高山之聽致叨任使盡出吹噓某敢
不拔蕪抑強酌泉厲操可縱宋璟盧奐 仰前芳失
之子羽寧予益慙厚遇

福州張侍郎啟

某官量賦登闕識周貫變味道腴于七略包文體于

百家曲臺高稷嗣之除起却造即潛之列益崇畫接
疊度歲遷內舞舜于仰仁天而簪筆出懷蘇印洽惠
露以隨車積有功能著于中外撞牙挂管賞復借于
寇君從節閩州歌晚來之賈父自顧散樗之質風游
棲鳳之林惟接武之好尤深故推轂之言益過致叨
推擇有辱品題其心係重階誠殫小牘準程前哲欲
厲操於貪泉寤寐清規庶免愆于官海

回李惠州啟

伏審懷章去國戎臨瓜戍之期森戟專城將決棠陰
之訟遐萌相語慈父斯來伏惟某官德宇粹溫風規

高劬蚤擢奉常之第宜居著作之庭既荏苒于歲年
尚棲遲于簿領以名字而典郡允得循良有方畧以
為民自然富庶治行聿追于召杜歡聲將軼于羅浮
某頃接班聯浸睽顏采方喜戒遙之報已勤削牘之
音書細寸行即遠盼于褒詔河潤九里猶少借于餘
波

問李虔州啟

把麾五領已銷西道之轂出綉九重復玷東偏之寄
甫恭朝夕遙問寒溫某官學富家傳言推世則自奉
專城之計遂深當守之知刺史省以六條夙稱桂海

天下號曰八俊益振荆湘來司章貢之權兼用黃韓
之化紀綱大舉謳頌載騰為官乎為私乎安貪殘于
一問行山者行澤者熄推剝之群驚治已疏于御屏
寵將持于從橐某受材甚下任職無長方軫慮于謹
何忽冒榮于推擇退惟僥倖端出品題念平生雲霧
之披獨彼此參辰之闊雖烹炙狎至有踰從事之賢
而覩鳳後期未降君子之見每遡洄而結想空蹈景
以興懷比獲守於郡封迺密切于鄰賢相依層齒願
投分於蘭金敢布腹心幸摠誠於藥石

謝溫南劔啓

把麾五領已銷西道之聲出綽九重復玷東偏之寄
願薄材而知懼枉榮問以增慚此蓋某官學博書倉
識窮理窟忝擢奉常之第旋陪中秘之游武成之策
二三畫讎謬譔為之磬十六能考異同已垂上于
雲霄迺遠分子符竹物華天寶神龍潛合劔之津里
詠塗歌黃犢化佩刀之俗夙保歲寒之契獨私月旦
之許遂致迺踈猥叨推擇某睽離久矣瞻邈眷然書
記翩若高談之對面故人戀、冀清誨以傾心

回陸全州啟

朽質叨榮已佩五羊之印高情贊喜復貽雙鯉之書

謙、仰居子之風、戀、深故人之意、其官機雲家世
召杜材猷、燕寢清香、寂棠陰之少事、蠻溪豪族、無蕪
本之可除、當翱翔金馬之問、豈留滯銀菟之久、其馳
心英矩、引脰崇墉、遠矣嗣音、願瓊瑤之何報、使之免
戾、幸藥石之不忘

回蔡學士賀生日啟

侵尋晚景、知牛斗之不神、煥爛彫章、仰參辰之相比
倍載深仁之眷、益增初度之光、恭惟某官、瑞企清明
氣涵剛大表、出塵之逸韻、英、秀世之芳規、隱帙
奧篇、讀黃香之未見、鴻詞麗藻、稱王翰之可珍、久肆

志于林泉、自怡情于風月、夙藹愛人之德、獨存介壽
之心、俯為初生、欲其難老、一言假借、或松柏之後彫
千襲秘藏、願瓊瑤之匪報

回湖南韓總管狀

五嶺作藩、已銷敵于西道、九重錫命、遂更治于東偏
願記室之未通、迺書郵之先及、其官識探、李法名擅
荀卿國士、無雙有登壇之鼻祖、一人當百、多戰野之
膚公、輕裘久撫于龍川、精甲暫屯于鄂渚、願惟縣薄
方媿、叨逾操筆、覲然莫報、翩、之問、接辭、遠甚、空深
耿、之思

回知州惠生日詩狀

定三百六旬之曆會遇生朝知四十九年之非侵尋
晚景曲荷松僑之祝光垂李杜之文狀惟某官撫字
知名中和興詠聽訟美甘棠之懋勸耕傳岐麥之歌
性不違仁語皆揚善其詩孔碩壽欲俾之熾昌何德
以堪榮但深于藏去

回趙新州狀

竊審彩纓西笑小遲象闕之行理橐東來暫攝真符
之事先勤榮訊足見高情狀以某官名擅宗英才推
國器九流索隱能讀河間之書千佛聯芳同射平津

之策蚤傳諾仕已歷專城置任棠之孟清哉若水贈
表宏之扇仁者宜風行將擊柝之間猶限盍簪之阻

回廣西帳幹狀

半年懷舊常望岫以馳心千里寄聲若飛談而對面
深銘永好采激私情某官韻秀朱霞才淹綠水傳幕
中之辨是謂能官流地上之錢共推善計念斯遂別
失我良朋枉兼牘之鱗媿報章之草

回湖州沈通判狀

竊審拜恩中禁贊治偏城極雲翰以見詔傳星屏之
甫至某官聯橫許郭方駕曹劉蚤擅價于俊躔久翰

光于仕路居展驥之任寄寔重于監州誦訓鯁之文
功正煩于康海念聞名之有素曾會面之未能不腆
報章奚酬雅眷

回鬱林知州狀

睽闊清談屢閱飛葭之變周旋雅好遠承裁措之臨
其官養氣渾雄存心撫字此時褒詔賜黃霸以兼金
完日歸舟載陸君之一石念披瞻之未再徒結約以
稱深

回周貴州謝到任狀

竊審承沅鐔水既拜吳書攝事貴州已懷犀仰某官

風儀清整器局沉深歌麥而收前手既聞耳矣技薤
一本今者復盡心焉即有褒綸入登筆綴曲狂翻
之遺第慚草、之酬

回趙賀州謝任滿狀

竊審解龜古郡鞭鳳亨衢曲垂問訊之勤益佩論交
之厚某官材推標的學載本原比及三年已見與求
之政統如五鼓不勝挽鄧之情名已列于御屏榮即
躋於省闈邈爾承顏之便悵然引脰之私

回范總幹狀

竊審沅恩雲闕列屬星臺已協吉于成瓜遂寄敬于

行李其官風儀秀峙宇淵深有家學之相傳更吏
材之是似足兵重鎮吐計畫于幕中退食私閱奉星
華之膝下增益過庭之誨軒騰當路之知念昔桂林
寔望蓮府睽離既久瞻邈靡忘情非鹿麋之交礼重
鱗之之貺

回汪經幹謝舉劄狀

征茅引類實採公言摘藻鳴謙難當私謝某官淵源
賦學通敏呈材久替外臺又屈紅蓮之佐尚淹小選
未高碧落之飛寶雖識于照車言媿輕于推轂曲承
榮訊深載勤情

回石縣尉狀

竊審青錢中選黃綬榮歸喜動親闈先生里閭某官
識探埋窟學富詞源廣階臚傳共仰鷗鵬之化遐方
諾仕難淹騏驥之馳益載休教遂階要路未皇贊喜
已辱貽緘

回封州教授狀

竊審瓜時蠲吉芹泮恢文枉兼牘以見詔佩高情之
良厚伏惟某官學能日益辭不雷同早聯千佛之名
已得群公之譽當聖主大宗儒術故遠方皆置學官
坐絳帳以談經少煩摸範登金門而奉詔即見羽儀

懷雅論以傾馳媿報草之崖略

回鄭德慶啓

竊審治教夙著靡俟造朝吉語載馳復欣典郡方一
麾之宣布直千里以謳謔某官西都循吏之孫元祐
名臣之世論議共推于魁壘典刑可見于老成未據
經國之材獨紀牧人之効向來剖竹乃

先帝之潛藩今日憇棠又

吾君之舊邸惟兩城之相接在五領以稱雄必有異
能遂看褒渥某班荆未幾紆軫已深教迹相聞斯不
踰于數驛簡書可畏尚有賴于餘波

回陳英州狀

比承謙誨欲得刻章寔循三尺之文重屈雙函之禮
某官彰名雁塔鏹采藍田麥秀兩岐已藹聞于善政
河潤九里更密借于餘波將滿秩以趨朝遂正名於
典郡難虛爵里之辱漫備銓曹之須豈題拂之敢云
蓋扶搖之可俟

回潯州知州狀

遠踰五領榮把一麾得之流聞無不稱頌某官包淵
深之度負超卓之材既問政于蓋公欲追蹤于呂父
沛隨車之甘雨惠愛無遺揚贈扇之仁風芬芳本播

行當簡拔夫豈淹徊念及講于英教曾未陪于雅論
頃傳得郡將期王事之同偶玷移藩遂有鄰封之隔
聊通柔削莫報珍題

盤洲文集卷第五十四

盤洲文集卷第五十五

啟二十五首

賀廣西向運使啟

伏審出綸內閣秉傳外臺騰八使之風教成行荆渚
指二天之星次光燭桂林朝野僉諧江山改觀某官
翰藏遠業充牧多聞才握隨和擅當令之奇寶轍諧
韶獲傳上古之雅音飽說吏師獨優才具政嘗喧于
歌袴名屢振于埋輪尚遲金馬之游復願木牛之寄
用知取予雖出入錢穀幾何志在澄清豈奉行文書
而已寧容煖席即見賜環某夙綴末交浸睽英範偶

剖竹有善鄰之賴更揚糠深前事之慚敷衽論心徒
起仰高之恨裁緘寫抱莫酌問訊之勤

回劉肇慶啟

伏審瓜時而往懷印綬以臨州穀旦于差擁車轄而
夾道厥初班錄咸有謳吟伏惟某官學考聖賢望尊
耆舊試吏見慈祥之政濟時懷超卓之材出魚契於
九重鎮龍藩之千里昔襦今袴已騰蜀郡之謠右粥
左餐可遂蔡人之樂行將促召夫豈久留某近枉高
軒遂承英範唯鄰是卜幸借潤于靈河無言不醅聊
嗣音于芳牘

賀胡提舶交割啟

伏審戴星叱馭消日視章咸屬再于前騶獨驥眉于
英矩伏惟某官居今行古肆外閔中裂芟製于塵埃
久躋膺仕分茗溪之風月屢贊名藩遠將五嶺之推
畫翰萬商之貨允謂濟時之彥斯多航海之珍即恐
賜環豈容暖席某自聆顯綽嘗負柔緘喜聞持節而
來時乃把麾之幸萬事不理待伯始而可知一生盡
傾傳孟公之將至更期冲番式副瞻翹

賀余虔州啟

伏審疏恩中禁作鎮雄藩城郭重来指繡衣之理所

兒童相記騎竹馬于道周初布教條例聆謳頌恭惟
其官圭璋寶器杞梓良材家學相傳無敵向異同之
論儒名夙就少甘竒顯赫之年復掉鞅于魏科浸著
鞭於要路臺網大振獨高屈軼之名卽位有先嘗拜
隄廩之賜迴駐車于章貢革珥筆于筠表已見澄清
復將漕輓方造鵬而奉計又分席以牧人所至移風
不事繼裾之策自公退食更多戲采之榮既久習于
民情宜易臻于治效卽頒綸綍歸侍冕旒某偶玷郡
麾獲依鄰燭號五雲體雖屢柱卯公之書封萬戶侯
恨未識荊州之面

賀沈提點啓

伏審榮錫天書寵持星節立九府之圖法久訪能臣
專三官于上林外兼敷路卽音既洽時望攸歸恭惟
其官英偉賦才淵闊置度糟粕不膠于紙上官商皆
起于筆端執掌奠符有淮人之孺慕規恢驪駕無漢
士之包飢益懋簡知果膺顯擢廣攬轡登車之寄揔
治鎔炊炭之司權子母之重輕少煩心計接夔龍之
步武卽聽履轂其自闕台躔屢移斗柄皇華甚遠旅
進退以未能蔭樾焉依大謹河而或免

回陸提舉啟

榮拜明恩進膺褒摺一麾出守輟近郡之股肱四牡
載馳寄外臺之耳目郵音甫暨僉誦相歡恭惟某官
德粹珩璜學該竹帛雲間烜赫進入洛之溝谷崩表
崎嶇偃說佗之雄辨自結冕旒之眷見稱簪紱之英
久藉于仕途將駸于於禁路朝廷深知治行連付
虎符原隰遠有先華暫煩龍節即仰北溟之擊豈為
南越之留某幸綴親茅遂依蔭樾方桐襟而自喜將
聽履之有期牒訢喧囂不敏寒溫之問山川跋涉願
言相之調

回鄧漳州啟

拜恩丹宸宣化黃宗方增重于郡符已分輝于鄰燭
某官受材卓偉函器宏深蚤登策于儒科旋濯纓于
朝路連得三刀之夢尚煩雙戟之臨雪白蘭薰獨庶
清之名顯風行草偃即豈第以政戒行遂陟明堂容
斂惠某屢通教問未際色辭頃接鳳毛斯見義方之
訓遠勤鴈足益知謙德之光

回賈賀州啟

顯差穀旦榮懋棠陰凡千里之提封皆一詞而詠德
某官聯珠傳業片玉呈材力晞青史之賢荐拜朱輪
之寵馬如羊而金如粟清節素傳刀買犢而劍買牛

遐萌丕变即看褒渥入遣要班某久闊高標每懷餘
論借寶鄰之潤幸擊拚以相聞佩謙德之光媿濡毫
之不牘

回徐通判狀

承崇北闕受任南州篤雅眷以相先飾珎騰而見及
某官軼材耀穎盛德照鄰蚤馳黃絹之辭久載素絲
之節餞清橫浦謂畫展于鵬圖贊治三城又少煩於
驥足即聞改命豈復遠來念平昔之搖心獨羞池于
會面偶分使竹喜傳半刺之賢尚隔成瓜恨失同寮
之便

回李惠州狀

竊審撫柔名郡靡辭南嶠之行差擇良辰已協束龜
之吉某官學充素蘊譽藹清芬法任棠水薤之言略
黃霸米鹽之細豐湖足樂願何羨于谿堂法坐見思
遂入翔於禁瑣少看游刃以俟追鋒某密通門閩無
絲談款亭瓜相接幸分餘燭之先行李游臨有媿雙
金之報

回權梅州狀

比以偏城闕守僉議擇人果得循良往甦凋瘵辱華
緘之見及知善政之有為欲股供億之須既能身率

不競追科之考更在力行

回南安知軍狀

聲聞散拆如辱齒之相依情重肘絨見肺腑之相示
彌載能謙之德第增不敏之慚伏惟某官夙規闡明
德宇宏達夙著素絲之節遂居畫戟之榮比屋爭傳
有去蝗之異政長城自衛却聚蟻之妖氛即聽褒嘉
筵班清切某搖心雖久識面未能方商律之告窮巢
黃堂之善葆

回劉通判狀

竊審拜恩象關諾仕羊城共誇別駕之賢已作者鞭

之計某官材猷奮發襟韞粹醇早欣盡于外臺即颺
芬于華輶歌功康海煩驥足之一來得志摩空看鳳
翰之橫絕雖平時闊半面之雅在難兄契同心之交
何幸為邦遂將聯事遠勤芳許媿不腆于報章時近
薄寒冀自願于旅食

賀田提刑啟

伏審寵拜恩綸榮將使指上方任德務臻禁網之寬
官必擇賢尤重憲臺之選英塵所暨僉論相欣某官
奎壁孕靈淄渑納度蚤策勲于鴈塔即接武于鵷行
六察去邪仁約張敢言之膽四知厲操陽城勞撫字

之心爰奉真祠少休故里忽顛卒哀克而豐作錐郡
僚避難以宵奔獨追憑軾之風高出投機之計聚醜
覲于孤壘不使橫行庇簪笏之名家盡皆寧處旋致
靈旗之禁弗稽蕭斧之誅近能脫離于妖氛信有護
持之神物偃先轂于桂筵遠應二星迎異數于楓宸
行躋兩禁其離群之闊蹈景已深偶左契之託鄰將
漸餘潤幸繡衣之假道即際清標憑竿牘以摠情集
鼎祠之垂意

謝陳經略啓

垂孤紀且慚學易之無聞削牘鑄辭辱過情之善祝

雅懷借重陋質生輝恭惟某官聳登呈材照隣蘊德
貫魯壁節家之讀播函京灞岸之工八俊乘輶應景
星于高漢上連植蠹洽惠霏于遐萌少借銀菟即班
玉筍夙厚合符之好曲私踰表之稟記軫生初礼踰
望外裨爾黃髮欲三壽之作朋遺我綠琴頌雙金之
何報

回南息推州狀

竊審龜筮告猶魚符攝事染華緘而見遺知初政之
甚休某官心術疏通吏材英發盤錯迺彰于利器委
蛇見詠于素綠種韭一畦雅有澤民之志鳴絃千室

共推典郡之能少借剗裁以看潤飾願分携之未幾
在翹邈以猶探願寶生經遂躋榮坎

回表教授狀

竊審拜息帝宇分職教官枉汗竹以甚勤知往瓜之
已及某官學稱經笥譽振儒林絳帳垂堂將應撞鐘
之問褒衣匝序可無鳴鼓之攻即對言綸遂榮朝散
幸從容之有使冀跋履之自願

回德慶通判狀

受任題輿洎辰視篆提封千里講德一詞某官量賦
沉深材推敏妙嘗割鷄而小試耶展驥而遠來風月

予分已翱翔于半刺雲霄闊步即騰躍於高衢方念
語難遂勤遣許尚闊從容之便第增翹佇之思

賀林尚書啓

伏審寵拜耀章進都榮次天官其屬六十久虛常伯
之尊武王有臣三千孰出鉅公之右絲綸所布簪紱
謂宜恭惟某官學富盈科量深韜世追風枚賈能緯
典以敷華發采隨和蚤席珍而待聘歷芹宮而假道
陟柏寺以尊朝既接武于夔龍之間遂垂光於虹蜺
之上臺網亮正時高三院之威諫草必焚名重七人
之長妙簡已隆下蟻護祥輝迴燭於文昌望峻官儀

上星辰而聽履私無賓謁指風月以飛談即踐台槐
共享邦本其危官有守贊喜無因體號五雲屢在鳴
謙之誨侯封萬戶未降快覩之心

賀張洪州啟

出綸中禁換節大邦賓客鼎來屢下凝塵之榻山川
改觀一新卷雨之麓開視篆以敷和輒襲牋而贊喜
恭惟某官梗柁尊整奎壁垂芒和朴隨珠蚤席珍而
待聘潘江陸海能授簡以聘妍若時題品之公自奮
功名之會時貳鄉之紫橐承密旨于黃樞脩殫獻納
之忠欲試藩宣之寄紉如五鼓遂誼吳郡之謠願借

一年久歛桂林之惠莫府既移于閩嶠正堂曾問於
蓋公眷益簡於帝心任復隆於方面令行教月已慰
八州之人色比之召即迎一札之召某自續貂于曩
日不對塵者六秋承之連疆迺借瓜疇之潤指期就
道庶披棠舍之陰商節淒其高才樂只異鼎相之勿
爽副簪紱之具瞻

賀呂桂州啟

列職蓬丘摠戎桂笏遠人相語潛銷佩犢之風輿誦
攸歸共起騶鸞之詠吉諧剛日歡動隣封恭惟某官
識妙倫魁材高肯綮種學遠窮于丘索吐辭皆中於

官商惠露霑濡最謳吟于名郡華星輝赫聳風采於
外臺方清朝久耽於干戈故重鎮分屯于介冑足食
政勞于心計列城咸肅於指撝遠勤頗收之謀難屈
管籥之竒遂班內閣來填南垂幕府雄開初笑談而
緩帶居此安作不愁歎于無襦即迺賜環未容煖席
某情深引脰願鬲承顏揚袂居前既自慚于陳迹灌
水甚美遂有賴於餘波

賀張福州啟

名簡帝心任隆方面高牙大纛最九牧以橫飛緩帶
輕裘挹三山而坐嘯政新視篆喜浹提封恭惟某官

嵩岱稟暉滄浥納度材高盤錯擅多匕益辦之稱節
貫險夷玩蹇匕匪躬之象滄騫華貫茂著耀功足用
版曹妙幹貨泉之柄耘強圭甸穉聞抱鼓之鳴既畫
接之益章宜歲遷而咸允書殿極儒紳之貴齋壇分
將鉞之雄襄漢上流有賴長城之杵豫章大府久喧
慈父之謚拜罷自天揔戎易地惟閩粵東甌之俗本
會稽南郊之疆邇今日之上都迺一時之重鎮民其
幸矣公實臨之少煩統御之良即叶都俞之會某自
睽巖電屢閱秋霜竊食海灝復借光于鄰燭馳誠門
俛敢贊喜于書郵願言相鼎之調式副紳綬之望

賀黃提刑啟

渥對綸言榮將使指上方任德務臻禁網之寬官必
擇賢尤重憲臺之選馳聲舊部聳望遐萌恭惟某官
學探九丘文長三變黃鐘大呂參嶰律以合和北斗
泰山偃儒紳而蹈景蚤接夔龍之武遂我獬豸之冠
自結深知式分遠寄乘軺久任周五領之東西宜岸
婁空踰諸公於前後人共期于紫橐命復畀以青瑣
雖平文大慰于群情豈獻納可遺於夙德寧容席煖
即以節超某獲保歲寒款依雲蔭承沅千里已逾請
代之期借潤二天尚有承顏之便願言冲齋庸副瞻

翹

賀虔州李太尉啟

竊審寵膺恩綍榮把州麾籍甚威名洋溢謳頌恭惟
某官追蹤細柳經武前茅結髮從戎功屢先于勇爵
執戈衛柱忠益顯于周廬提銳旅以鷹揚掃孤城之
蟻聚智謀既運氛祲遂空緩帶輕裘少借蕃宣之重
高牙大纛即聞慶賞之行某講服有年披膽無日幸
託寶鄰之潤聊通書驛之誠

回董梧州狀

官海聞風恨差池于英矩州符接畛幸假借於餘波

方聆視篆之新已枉揮毫之況伏惟某官幹時良其
耀穎逸才克全白璧之名久厲素絲之節翔鸞集鳳
駕前錄之美談佩犢帶牛革遐萌之奮染少煩游刃
遂迓追鋒念引領之空勞曾論心之未便第堅鄰好
不腆報章

盤洲文集卷第五十五

盤洲文集卷第五十六

啓二十二首

賀施察院啓

寵膺制綈進陟憲臺最天下之兩轡卓然獨步迎日
邊之一節久矣不聞夙儒既升僉論相快恭惟某官
體局方整襟靈壯堅壁韞珠藏早埋光于山川嶽鴻
軒鳳舉即薦瑞于朝廷方正笏于豸冠忽分麾于魚
契受釐宣室已深賈傳之恩斂惠富州果下陸君之
詔青氈復得白簡益嚴少煩明目張膽于鷓鷯之班
行見聚精會神于槐楓之上某自揆巖電屢換星霜

旅進退以無繇虛寒濕而敢聞

賀陳帥生日啟

候明星于南極聿臨見丙之期賦峻嶽之聲詩允協
生申之什祥開初度頌溢維祺恭惟某官天上謫仙
人中間氣河目乃公侯之相泥塗無甲子之疑江左
建旗良吏于是為盛嶠南揭節層使其猶劣諸遂居
方伯之尊式賴長城之扞宣室果思于賈傳吳人難
挽于鄧侯在厥初生必得其壽彼松柏四時之貫所
謂經寒而知惟龜鶴千歲之殊斯可同日而語某情
深賀厦礼高登門有酒如漁敢介遐年之祉若金作

礪即看晉書之榮

賀呂總領啟

榮拜制綸寵將使指聯華省戶依烏瞻列宿之文足
食屯營流馬幹百城之運郵音所暨輿誦謂空恭惟
某官超卓賦材沈深置度殖學得傳家之妙飛談馳
驚座之名既剖竹于雄藩遂埋輪于劇部以經潤飾
通儒稱者三人有志澄清天下號曰八俊益隆環望
密簡眷知凡財賦之在版圖式付民曹之寄給饋餉
不絕糧道重分軍政之權即近節趨豈容席煖某仰
高有素快覩未降借蔭鄉雲方備員于嶺表貢誠子

墨敢贊喜于門闥

賀黃提刑交割啓

兼程叱馭涓吉佩章善類得所依歸遠人無不忻頌
某官咀華竹素擢幹梗旃魁然見長者之風濫其有
君子之德早聳烏臺之望荐煩龍節之行五嶺澄清
初祥刑于東表九重簡注迺易地于西偏斯拜渥息
復臨舊部夸鄉上冢散金能洽于故人輿轎入疆持斧
載瞻于膚使即聞嚴召歸筵近班某自讀制綸即飛
慶牘冗官席蔭喜既憐于眉端指日接辭情庶披于
心曲

賀廣帥陳侍郎啓

伏審名簡帝心任密方面輕裘含北久傳峴首之碑
輿轎宅南來酌貪泉之井先般所偃公望道歸恭惟
某官參軌前良垂模後道廣廷高步仰三傑之颺芬
要路橫翔凌九臯而徹響誨方袍于槐市仇斷簡于
蓬丘列星已應于天文四牡暫煩于風力惟臯呂翫
觥圖之意故闔澗有園空之陰秉筆赤墀記汪為千
古之法苑外野禮儀成十月之朝由甘泉近侍之
班作襄漢上流之鎮自休間館未塞輿言方謀帥臨
黃木之灣乃公開紅蓮之府羊仙荐祉必須執毅而

來龍戶集衙當有懋棠之聽上召則迹人留實難其
夙際光儀猥勤題拂鳴呵相踵深慚糠粃之揚膠柱
不調所幸瑾瑜之匿偶濫移于左契度難竣于高牙
憑柔尺以搖情句和襟之納祐

賀廣漕鄭郎中啟

伏審光奉帝俞肅將使指車茵所問來休黃木之灣
印笥重開自是青毡之物積十年之遺愛踴列群之
先教恭惟某官德湛量岐名馳藝圃雅、黃鐘之在
簾英、白璧之輝山八俊拔奇特表絃歌之績九重
錫對遂榮銅竹之行入贊大農迨符列宿賦皇華而

隄領振漕事以裕民自奉計而歷它官忽拜恩而臨
舊部雖木牛流馬之陳迹較然可尋豈雲龍神虎之
通閨闕而不召人勿私喜公寧久留某風景高躔未
親餘論自領聆詔綽謂依賴之可期偶易州麾復差
此而相失倘借光于仁里仍接盼于治臺竊因行李
之間或班荆之便

移福州謝趙提刑啟

輯粵空餐既大何之幸免掌闕出命顧綿力之弗勝
惕拜絲言喜投樾蔭伏念某官賦尋常之質闕尺寸
之長隄五嶺者八年易九垓之三組心雖龜勉初無

餅之虛名志欲微昂終愧貪泉之高濁方黜幽而負
殿方請代以圖歸豈料清朝游移要屏大慎鉛刀之
鈍難求布鼓之聲行闕中天望日華而已近故鄉接
吟知風景之不殊自非塵尾品題之私安得羊角搏
扶之便此蓋其官直方厲操淳白鳴徽有更生博極
之書得東平為善之樂望密派玉節峻輔金屨司發
之推復佩平反之寄用寄及下為長者而折枝見
惠在前如農夫之去農草時謂外臺之表人惟夏屋
之依每曲借于揄揚致疊叨于推擇其自尊山斗沒
攬星霜聽言未愜于鄙悰投分已同于夙契遂彈五

技敢忘前事之師少惜六條庶道後期之責

謝鄧建相啟

輯粵空餐偶大何之獲免掌閫出命願綿力之弗勝
惕拜詔綸幸分鄰燭伏惟其官宅心端粟接物惠和
才備四科挹前良而參軌風舒六藝發妙語于抽毫
嘗鉤校乎三尺之文迺翱翔乎半刺之任鑄龍班節
原隍遠有光華分虎作符朝廷深知治行籍、綉襦
之詠駸、筆索之際惟平時曲借于哀藜致愴品疊
更于器使其自親風度已托歲寒樾蔭焉依嘗畧六
條之問棠陰密迹復漸九里之餘

回知州賀生日狀

伏承軫記生初聘妍意表月宿南斗無片善以著稱
休號西崑有英蜂之轍古高情甚渥朽質憎慚伏惟
某官論議粹醇襟靈超詣材推時彥暫分阜蓋之權
清喪人知共說素絲之節夙締芝蘭之好欲光蒲柳
之衰昭之嘉音介以難老一字之踰華袞拭目難任
雙金之報綠琴覩顏何已

謝知州惠生日詩狀

誦蓼莪之篇老將至而增感介黃髮之壽禮甚厚以
難任深戢謙撝采增悚汗此蓋某官德惟貴齒仁以
根心決雀鼠之訟于棠陰棠無留牘摘錦繡之章于
毫穎才有殘膏斯因初度之辰曲借長年之頌確然
殊媿丁鱗使于長川賁以好諱追馬人之前藻剖珠
私喜報玖知慚

回連大庾狀

謀聞風問積有歲時獨覲面之羞池每馳情而悄結
某官學充素蘊世述清埃遠彈弁于梅山久鳴弦于
花縣服勞五斗已書集鳳之能振響九臯即拜蓮駕
之寵曲承華訊徒激鄙涼願藏篋之翻慚濡毫之

回州學正錄狀

竊審較許粉社立矩芹宮人皆曰然公豈自歎解元
沉潛蠹簡埋鏹螢窓未逢流水之知尚屈青雲之便
朋友共惟于講習深戒繡鞶老成端有于典型遂儀
逢掖某曲透玉趾見賁瓌詞第銘四益之嘆有忝七
襄之報

回何直閣狀

分麾百粵已超成期從部七閩設膺詔札揆譚核而
揚若倚餘潤以欣然某官冰壑照人驪淵瑞世談必
傾于一座書能讀于五車下筆掀雷淡墨棍乎昂紙

吹藜奪日雌黃匣手蠹篇猗歎雋教籍甚榮路已青
冥之垂上却朱紱以退飛既聯職于道家蓬萊迺倪
眉為諸侯賓客鬱沉六久緼蓄未據惟曲借于齒牙
致屢叨于方面合盍簪于曩日數判袂以積年何幸
衰踪復尋舊好驅車倍道庶瞻西祀之登掃榻聽言
敢後正堂之避

回叅議賀郎中狀

分麾百粵已越成期從部七閩設膺詔札揆劇繁而
縈抱倚傲助以信眉某官學綜九丘詞傾三峡丹
霄聘步開天祿之陳編列宿垂芒賜隄廩之佳墨遂

抽簪而飛遊旋側席以旁招方退然油幕之遊迴音
者繡衣之治增重外聞宴煩遠謀預是徵蹤遂將窈
食介季父同年之好頃接英躔記池陽一夕之談屢
更綬律復有親仁之便可知逃責之方

代饒州守迎交代蘓尚書啟

伏審出綸法坐剖竹名邦千里心馳共仰甘泉之老
一襦顏汗冀新蜀郡之謠公望所歸先轍是偃恭惟
某官稟靈江漢發彩隨和讀八索之遺書脩四時之
和氣挺有祖風烈濟美儒先堂為國光輝蜚英
庭綴自粉闈之彩組入芸閣以提綱成泰朝絕野之

儀批夕拜瑣門之救國有六職峻紫索之貳卿汝作
秩宗續青毡之舊物夢刀屢矣買犢紛然難休老氏
之祠來治番君之國誦德而論四子昔已作詩歛蕙
以施一州今當有詔恐屆中道遂儀上京某夙企清
躔來親嘉誨鳴珂相踵自慨糠粃之揚膠柱不調或
幸瑾瑜之區飛霜急節高蓋出閭冀相鼎之番官副
簪綬之瞻矚

賀知饒州李左司啟

易地出綸顛拜魚符之寵過家夸組甫嚴熊軾之程
輿誦迫歸先轍是偃恭惟某官星躔瀆社月脇鑄鋒

卓爾昂霄壁千仞而獨立淵乎韜世陂萬頃以有容
自高鷓鴣之行不藉虺蜥之援臺官張胆久震懾于
朝端宣士盡心竭殫綸于肩闥惟今剖竹所治蓋昔
灌冰之鄰斯民熟五絃之謠指日俟雙旌之至恐不
席煖遂將節趨某頌綴蓬瀛嘗披雲霧惟桑有禮知
厦屋之馬依置薤可言冀賓借之與進

代程湖州謝執政啓

外史養疴方賦歸之三月輔藩代匱復留澳于九天
班祿云初衰遲自惧伏念某學不足以要終原本才
不足以治劇刺繁鳴玉要津點北門之清近懷金拱

着惡曲府之贊襄之休香火之庭自遠山林之性制
綸橫及留鑰遣行力以疾疴曲蒙恩貸尋邯鄲之故
步偶未失之求勾漏之秘篇他非望者豈期推轂仍
使建旛往茲苕雲之區本作股肱之郡起家甚寵卧
治則難茲蓋伏遇某官德簡細旃望推隆棟方地闢
天閭之旦籍甚更張念歌蓬里詠之祇遊其共理當
都俞之閒暇迺假借于拙踈雖鞭策其不能恐謹何
之弗免終期美蔭不累化鈞

代賀方侯相啓

澳號踏朝升榮揆席家至戶曉幸聖政之一新日晏

天清見真賢之復用流傳所暨鼓舞率同恭惟某官
道緼纏綸學該貫變挺松柏後凋之操抱著龜先見
之明徧涉禁塗進參國東問兩社而為輔脩竭贊襄
有一言以興邦益崇倚注忽遭讒口遠落蠻溪孔子居
中不勝膚裘之誦周公在外競歌魚豢之詩大君躬
攬于萬机溫詔首馳于一節對揚便殿深契淵衷夢
卜協求果作巨川之楫棟梁有托大間衆正之門方
懋沸而吹簞必解弦而調瑟宗祊道慶華裔具依某
頃綴事樞密叨蔭樾念階符之久高際泰道之光輝
亨代匱輔藩已竊貢公之喜馳神材館真瞻漠相之

尊

代賀湯樞密啟

疏榮綸綍冠位機樞朝登真賢人有嘉頌恭惟某官
鳳翔千仞樂奏九韶健筆振奇飄、有凌雲之氣清
埃擢穎赫、乎逐日以新自首中于異科即立登于
榮身路為國史嘗書笏以珥彤命作秩宗遂荷橐而
持紫入明先而起卓對宣室之間神氣浸積簡知進
居宥史淵謀入告非克舜之道不陳遠業所期豈管
晏之功可許方朝政判東西之府而宰臣充左右之
官惟是元樞久虛高位式應魁三之象聿求第一之

流惟懼既尊何獨遐衝之折播紳相語益觀上治之
興其舊矣仰高闕然覩快承流輔郡已叨推輓之私
貢牘崇階政竊悻懜之托

代張建康賀程參政啓

顯揚書贊參秉化鈞惟舊德之立朝府頌殷之載階
恭惟某官學該治忽識判幾微元圭彰間出之珍喬
相聳後凋之榛凌雲霄而徹響踐台斗以結知文采
陸離得夫詔三監之體樞机周密如神爵立鳳之時
不競急流來體綠野方萬機之躬攬宜一即之首馳
昇陪都管籥之司易輔郡股肱之寄上既久不見賈

欲納嘉謨使無何果召參遂司大政螺州有識鵠閣
可期其猥備藩宣獲依快北馳神西序旅進退以無
繇投分東阡大謹何之或免

代謝魏越州啟

種東陵之瓜久甘退屏堂北門之管忽拜誤恩懇避
莫能疾顛是惧伏念某性則寡與學無它長綴侍索
于薦紳毫毛何補奉真祠之香火齒髮浸衰政歛迹
以養疴豈牧人之興念遂叨晉權采積震驚虎踞龍
蟠茲作京干岳狩鷄鳴狗吠仍接壤于御閑僥倖如
斯吹噓有自此蓋伏遇某官道包貫變識動眇縣登

要路以着鞭追前英而叅執 琴瑟更張之際有契
符相合之知維石具瞻政切 槐之望急流勇退忽
傳使竹之分當一都一俞之初借三薰三沐之助致
茲推擇及此拙疎深慮居錡之危有辜推轂之意訟
棠攸阻旅進退以無因樾蔭焉依大謹何之或危

代賀湯中丞啟

命播芝函位尊柏寺郵封四達懽誦一調恭惟某官
超卓賦材剛方厲操自得青雲之路即膺丹扆之知
方解絃躬攬于萬机故出縉首馳于一節久不見賈
非復鬼神之談無以易克即居御史之府膺隼屬橫

秩之勢豺狼空當跼之群凡此茹連有同草薶積三
千章之奏贖振十二載之臺網成動垂紳寵躋專席
近世斯焉獨步益峻風霜泰階所謂六符共期霖雨
某庇身魚鑰引脰龍門敢條染縷之儀少贊典籤之
喜蕭辰始肅禁宥多休惟寶護于夙興用迎承于晝
接

盤洲文集卷第五十七

啟十七首

上宰相啟

三千年而河清久矣人生之難逢七八月之苗槁幸
哉尺澤之可期敢輸懇懇之私庶動巖巖之聽伏念
某所稟極陋其愚不移學雖苦于丘墳譽不揚于隣
曲操數寸之管偕屬序以齊飛受半通之銅點麟臺
而群屬陟岵幸迎于禿節入朝遽觸于危机不勝私
情遂求外服抗塵走俗已日往而去官洗垢索瘢致
風聞之及嗣抵于深意憲儕彼壙僚玷缺墮聲雖生

以何面目困窮纏已脫死塵如毛甕再會赦而始復
舊階一終星而未刊點典迫于立壁無以杜門登東
臯而臨清流自憐翫下喬木而入幽谷誰不耶榆
未清行李之良忽負茹荼之痛偶迓溝壑得累鑪錘
恭惟相公執躅孔顏錙銖燕許當堅主解絃而更化
以真儒調鼎而贊元道大域中轉供鈎之一氣計安
天下猶泰山而四維東閣廣翹才之方西曹無滿謫
之問某運將傾否筮亦遇干難失旦而一鳴靡忘振
翼鵲繞枝而三匝所願安巢倘回骨俗肉之恩可但
漆身之報

賀新饒州唐舍人啓

名簡前旒任隆左契聞使君到大喧來暮之謠與老
人期共快爭先之親欲伸賀厦敢問典籤恭惟某官
聲叶舜儀寶參郢握淵雲驚代挺玉壘之靈暉駟瑗
名家禪金籟之秘緼一時絃改多士節趨結當宇之
深知拜司光之異擢廣內雅世南則行秘書柱下
昂董狐乃古良史正刷橫翔之羽忽回勇退之舟
不謂吾邦乃頌鉅德凝清香而森畫戟安能久居此
平闕紫闥而攀台階斯拱而頌之耳某未披雲霧常
嘆參辰參干畝獲干章遂托居山之庇水一盃薤一

本願容置屏之談

荆門謝宰相啓

觀六符于穹漠心切呼天乘一障于重湖身難擇地仰
銜厚施敢寓微衷伏念某生七數竒缺然智寡項疾
顛于僻郡即却掃于荒閭賤子具陳誰恤方傷之院
室人交謫畧無裝橐之儲謀半菽以偷生泣編麻而
瀕死豐草澤未逢于時兩高躔已匝于歲星公道初
開拔拭非辜之士私憂遽集迺遭不孝之節偶轉登
之賒期遇濟川之在上抽毫進牘妄干亨否之榮援手
覆羹危撤續尊之罪傷哉貧也止或尼之敢期播物

之私亦預承流之數震雷霆而破蟄奮此幽蟠注渤
澗以濯痕略其夙負大息特達小器滿盈茲蓋伏遇
相公任重推溝材取躍治欲八荒莫不擊壤無一介
而使抱閔吐握既躬其勞爬羅有味其語前鴻後鴈
或假借于雲霄枯木朽株必薰蒸于芝菌特捐小壘
漸進畸人某敢不履影懲懲刻肌報德挾泰山以超
北海揆路非難呼中道而激西江恩波可冀

與交代趙知軍啓

與郡守為符忽焉分左躡君子之躅有以指南耶先
汗竹之私用結斷金之契恭惟某官琮璜守潤咸護

叅和呈翔仞之靈輝抱昂嘗之美幹多文為宮足更
生博極之書大雅不羣得東平最樂之善懷倅臚仕
烜赫華名清標共仰于素絲錯節始彰于利器方英
主攬摧綱之柄欲諸姬壯磐名之宗凡朱軒皂蓋之
除多玉葉金枝之雋一麾敷惠晁楚甸之列城五綵
作歌挹西京之循史聞今日耕桑之野皆向時荆棘
之場有凝寢之清香無穿墉之健訟已成樂土為利
後人諸公興推轂之心闔郡阻旬鞭之計即旋帝席
遂陟從班其風景高標未親餘論水擊三千望而上
將幸膽前刃遊十九年而新願言告舊傾翹之切敷

染亡窮

為大兒江東漕屬上使者啓

家徒四壁甫從宦海之游我有二天遂席卿雲之蔭方
憂尸素敢後殺青伏念某馬足品微鼠肝娑薄學士
甲五方之事佩鞬無闔讀九丘八索之書為裘滯墜
耳因延攬賞獲免請農正鼓笈以求師敢彈冠而入
仕疊生私室禍及大門遺忠見軫于朝廷異數俾襄
其寃窳猥令就祿非曰量能退惟一物之不知安得
三年而善後秉財用之出入尺寸無良計班資之崇
痺斗筲奚冀仰祈履露尚切趨趨恭惟某官學貫籤

騰識倫著蔡自占月中之桂久騰日下之芬方聖君
躬攬于萬机故鉅德首迎于一節奉常絕祀進前席
之嘉猷劇郡埋輪賴外臺之華使擢象已躋于中秘
䟽屏深結于上知鏗鉤八駿之聲震懼六條之察即
歸法從難借餘光某將侍履約承獲鞭策小兒未知
為吏盡託思假若曹無益于官難逃譴域

荆門到任謝宰相啓

貧切膏肓歎編蓬之在計恩深決北點剖竹之下陳
逾月汎舟蠲辰視印伏念某千慮無得一班弗窺少
年妄意于臨民或能豈弟半世街寬而奪祿不復激

印敢畫指以書空祇甘心于殫野帝攬權而真宰用
士失職者泰道來補剝息黥育豐肌干朽骨捷鱗掉
尾轉窮轍之清波畧其三尺之杓昇以一麾之末樵
當陽君之故園在雲夢澤之西偏二百里男三百里
侯本密連于近甸六十曰耆五十曰艾皆熟記于舊
聞雖創痍未復于承平然風俗弗移于醇厚賦輿既
簡獄訟不生倘雞鳴吠狗無貪吏之湏則去馬來牛
有樂却之漸退惟公膺恐負使令茲蓋伏遇某官挈
國大儒夢崑良弼叶璿璣玉衡之効光金匱名室之
傳以堯舜愧恥其心斯焉致主彼臯 夔密勿之輔

可以齊名方較短以量長俾承流而宣化興憐困躓
初試凋零殘豈止捐奉稍以活其妻孥亦將觀政事
以品其人物某敢不自鞭蹇步庶効秋毫敢作偽聲
以八萬流民而受賞尚祈他日有五六老叟之送行
不致瘵官是以為報德

謝吏部賀尚書啓

十六年之去國久蟄蝸廬三千里而遡江始開蛇笥
深愛尸素敢後殺青伏念某生也多韜少而自苦操
數寸之管偕同產以聯榮受半通之銅群大雅而雙
入陟岵甫迎于禿節立朝遽觸于危机既補外以終

更又投荒之及難誰造侈箕之錦遂逢偃月之刀冤
聲不徹于九閭官步退飛于二紀幸改絃之盛且得
夸維于小邦有社有民惟當陽君之故也迺疆廼理
自雲夢澤而左之倘鳴雞吠狗無貪吏之須則去馬
來牛有樂郊之漸自惟么庸恐負使令茲蓋伏遇某
官韜軼英躔鏗鉤禁瑣就日妙侍言之選迺天高批
敕之教懷文以裁帝墳書成金匱分職而掌邦治班
峻玉除緼椎穀之仁心憐傷弓之弱羽曲垂題拂致
此叨逾某敢不思効秋毫自鞭蹇步台符在望旅進
退以未能雲蔭無私大謹何之或免

上荆南劉兩府啓

十六年之去國久焉鵠行三千里而遡江遠叨魚契
馬依夏屋敢後書郵伏念某生也多艱少而自苦頃
中合沙之射遂傷偃月之刀冤聲不徹于九閭官簿
退飛于一紀韋改絃之盛旦得夸組于小邦窮猿投
林見微柯而亦喜枯魚涸轍得涓滴以更生茲蓋伏
遇某官勲鞏邦基望崇人傑操金匱六發之秘分根派
參代之咸貫日月以輸忠挫犬羊而奪氣誇襦安堵
洽惠霑于群黎樽俎折衝作長城于重鎮某自憐翫
醜獲托併懔異世荊州復有依劉之幸列侯萬戶何

比識韓之榮

謝王總領啓

舡引蓬萊誰恤因山之久符分銅竹自嗟乘障之微
尸素云初殺青敢後伏念某于慮無得一班莫窺自
射影于合沙祇甘心于殍野會清明之上治點宣布
之下陳有社有民蓋當陽君之故也迺疆迺理自雲
夢澤而在之難創痍未復于承平然風俗弗移于醇
厚退維么膺恐負使令茲蓋伏遇某官奧學盈科清
規出類芒寒列宿言札樂遠有光華檄到百城問錢
穀幾何出入外足連營之食上寬法坐之憂即以節

趨難乎席湏顧小吏漫加于鞭策恐外臺不款于憐
蒙某敢不居仰光儀奉行約束楚雖三戶尚求瘼之
未能或有二天茲包荒之可恃

謝宰相改正過名啟

十日寒之拙官可題于良吏一星終矣明刑獲改于
秩官佩造化之更生顧公微而何報伏念某昨從外
補已得代還偶親庭嬰禍于鑠金故群行乘機而下
石指為奇貨肆厥巧言釀白簡以報私環赤城而滌
垢法家舞智卻回牘背之書獄吏趨時別上需頭之
奏議辟遂淪于胥靡免官自歎于禿翁跼之陸水之

萬奮飛無計累之喪家之狗濱死誰憐已甘漂溺于
風波何意清明之天日望大鈞而辯數致密網之平
反方商鞅作弃灰之刑難乎免者如曾母有投杼之
事久則昭然茲蓋伏遇某官德類離倫仁心濟物佐
域中之有大紉天下子無冤若伊尹之思正夫恐失
推溝之澤謂蘇君當宥十世特施及嗣之恩出嚴棘
之赭衣脫枯桐乎黔突某敢不魂驚曲木趾鑿覆車
復鴈門之騎益矜細行問翳桑之病長記窮途

賀王成都啟

夢益三刀權尊九牧結柴去國不辭蜀道之難傳命

塞塗已覺雪山之重負誠小牘贊喜高牙恭惟某官
象筭諧聲鄧林濯幹望傾後學仰北斗之垂芒名滿
廣庭接魁星而齊色會光亨于泰道能寤合于淵衷
紬金匱石室之書四投直筆鳴紅藥蒼苔之佩久演
明綸追還渾噩之風密吐忠嘉之論適坤維之謀帥
輟鼎貴以籌邊吾徒得君治卧之為淮陽而用黜有
欲為王留行者願孟子之在齊蓋總戎于歲月之間
即穆緝于廟堂之上某退惟榜櫟浪託紛榆流澤九
京既踰袞得見褒之字冒息一障繇推轂而有味其
言願謝悃之未緘已除音之光播卓然方伯財取道

于隣疆縛以微官阻望塵于謁舍甫新歲律正醮春
寒冀垂意于持生副凝旒之慮遠

答張縣尉狀

鼓琴有山水意未有知音擲地作金聲石自應擊節
某官沉酣七畧鑿屬三餘異曲同工已有飄飄之氣
博聞強識必成灼灼之名徒煩問稼于老農盍請誨
規于大匠欣然嘗鼎媿彼報瓊

回教授狀

訪當陽君之故既站左符定管城子之交迺聞高誼
矚眉則遠敷衽可期某官學海窮源文河涌思青毡

對客泰然一坐之寒絳帳稱師發彼三隅之誨以茲
廣譽必士清班願以薄材遂攀逸駕庶幾良藥之誨
可追素餐之譏

謝張建康舉十五年前陞陟啓

治病七年那得三齡之艾成功一簣克全九仞之山
媿邠子之夜光照汝南之月旦伏念某敵鏑鄰曲識
閻丘墳頃佐郡以終更值含沙之肆毒獄皆文致既
刺趾于周行命與仇謀即灰心于榮進願銓曹之不
齒東伐聞以相忘久矣棲崑期于蔓野會更張于治
具有復起之痿人焚厥丹者假之皂蓋尋鉛刀而再

割積璇曆以一終計班資之崇痺未離墨綬為題目
而甄拔烏有舊章蒙奉階仰而思之幸異時屋有存
者遂飛一鶚之表用回六鷁之程茲蓋伏遇某官天
上景星人中霖雨帝以召公而分陝世期汲黯之在
朝十國為建借虎踞龍盤之重八元斯九積蠅蝟蠖
獲之思以留鑰而折衝蓋儒冠之司命興憐社櫟獲
訖御扮推轂有味其言猥參寶積納溝不被之津倚
瑛洪鈞某名玷闕身時增倍價取人失之子羽益務
府躬草奏不如陳湯敢羞知己

謝魏潭州啓

居狄山之一障代匱踰久陳方翔之六符依光垂家
禮存事大罪恐瀆尊伏念某馬走品卑雞尸用小引
昭而去渤海寢遠蓬仙登陸則有天台六終瓜成熟
料含決之毒巧符偃月之謀銜冤莫叩于九州奪爵
遂繇于一絕循陔荒服幾不免于惡氛負土故山抱
亡屋之沉痛會蠲除于密網得撫字于疲旣考前召
後杜于往圖來能敷惠眇曲沮清漳之遺祉何以銷
憂欲挽譽郵實資庇蔭恭惟某官材推隆棟名簡細
旃初躬攬于萬机即首馳于一節談曰猶望高子賴
以興邦道蓋自比孟軻去其塞路烜赫解絃之治超

踰補袞之詩滿蠹靡留紀經丕變我心匪石必公道
之大行衆口鏤金以介藩而靜鎮薰重湖之叶氣鬱
四海之甘霖某繹叨抽毫神馳葺蠹仰悒懔于夏屋
竊動歡願期决北之大鈞倘收棄物

與交代梁判院啟

聞買臣之引綬有客傳呼先越石而着鞭與公汛掃
重慚簸糝敢廢裁緘恭惟某官結綠輝山長離覽仞
家傳赤馬鄙簪笏于懷繡志决青雲國翰墨之勲績
破古書之萬卷諧雅奏示九磬繫儻壑之超羣即監
州而騰舉上念四蛇之輔賞聞世鄉人稱唯覓之詞

可司帝制曷為頌首亦欲乘邊挾清漳而倚曲沮獨
有仲宣之賦秘明璣而潛美玉來續贊皇之詩某惠
不蘇枯罪難逃責切喜契符之合迺逢筆硯之交必
懷瑾以匿瑕不索瘢而洗垢情同兄弟非彼一時之
面朋好永子孫以吾兩人為鼻祖

回富提刑啓

天陞出綸坤維揭節方君行仁政務爭臻禁罔之寬
敬下無冤民尤遊憲臺之選郵音所播僉誦曰然恭惟
某官隆祉雲達騁粹月朏惟慶曆之變高有列傳言
視西漢之韋平不同日道宜有家傳之學蓋增古濟

之光自涉要津共騰廣譽天下號曰八迹比迹東都
刺史問以六條飛教南服果聞簡注進掌平反諒無
席煖之淹即有圖空之効遂仰召渥歸立從班其夙
仰高標未親餘論曲城僻壤幸逢回牡之馳除館清
泉遂借二星之重

盤洲文集卷第五十八

啓二十二首

迎施運使啓

傳建節乘輅之命竊喜睟蒙講抽毫進牘之儀不虞
蹉跌恃兼容之雅量寬再瀆之嚴誅恭惟某官學蘊
淵深材猷超卓喬枚聳壑必應明堂之涓英采輝山
見稱東序之秘自登文石益振芳埃著嶺表之澄清
寄湖陰之飛輓二星所次仰高漢而焯然六轡載馳
環列城而惕石仄聞騶哄密迓豈封某鼠技雖窮虎
符無補鮮印綴而輕去未敢望風負弩天以先驅由

茲指日

荅凌昂州啓

伏審解組極邊擁麾名郡未還筆索之舊列南鬱縉
紳之公言恭惟某官量賦登閣識該貫變大對比魁
星之色高談開霽西之期禁路光前思涌泉而錯枉
長城扞遠夕立峴以蜚英方清朝渴竚于儀刑豈窮
塞久勞于籌畫少移印篆以使節趨漁洞桃花寧作
成蹊之許沙堤槐影想聞呵道之聲某蹈景歷年託
鄰旬月千里糧不賞行也有慚事鄭之儀萬尸侯豈
足道哉竊幸識韓之喜

回鄧州侯教授啓

農疇朕屬殆鷄狗之音相聞官路差池乃馬牛之風
不及敢期四益先枉一行伏惟某官雅叶舜朝韶寶
叅和璧九變復貫執古道之權衡五色成文絢雕章
之黼黻士久尊于講席人常滿于坐毡洋然庠聲籍
甚朝望過郢中而歌雪難措客辟居稷下以談天共
傳師說即汗青于石室遂持紫于金門某質稟庸常
心慚撫字斗升涉遠正思鄉動游子之情只尺仰高
如逃谷有足音之喜

回胡知縣啓

讀太史之傳仰伯始天下之宗官君子之鄉講士龍
雲聞之譽何期四益先枉一行恭惟某官覽仞呈祥
顯門種學喬枚挺持材可備于明堂拱壁陸離寶蓋
陳于東序重以錫原之望共期鵬海之程卓尔高標
怡于榮進芙蓉汎水久柱類于名山札李成蹊將俛
眉于壯縣少試弦歌之績即參紳佩之班某自顧凡
姿漫無善狀為孟玉而設榻適幸肯臨曉漢陽而置

孟頫安承教

回玉潛江啓

鳴雞吠狗幸四境之相聞足鯉多鴻枉一行而見寄

深佩謙之之好有漸草之之酬某官輝穎時派叢芳
世烈允蹈淵源之學交稱盤錯之材千室鳴絃有長
謠之詠德餘糧栖畝繇善政以產祥爛其桃李之華
屈此椽栴之幹竚聆公舉入綴瀆班某猥玷郡章獲
分鄰燭明珠絢彩知碕岸之不朽良藥發言庶沉疴
之可去

與周郢州啓

鳴雞吠狗風通里巷之驩食瓜條桑重結鄰疆之好
可無一紙往白雙旌恭惟某官括包多聞充盈雅量
比美玉精金之稱寶遇盤根錯節而知材繇綸寵以

專城有襦歌之蜜跡凝青香而談咲最治行子苛夷
賜洛濱之持正問元之重外奉會稽之計宜嚴子之
田中某頌以凡姿飄然遠宦河潤九里陰方賴于餘
波醫折三肱言佇期于良藥其為唐邈未易布宣

徽州到任謝宰相啓

起從中而獲塞甫閱三時涉畿內以典城旁鄰四壁
仰德輝而咫尺超息紀于尋常伏念某造命多奇憂
貧甚久為千年之計者擔石無儲取一障而陳之大
釣未報遠涖凋殘之俗略無勞來之功正悞詣曹廼
叨易地既斥埃兔望蜂之卧敢過鄉效垂組之夸矧

是富州咸謂溪山之勝茲同輔郡密依日月之光在
古今選用之不輕獨朝夕走虞其弗稱茲蓋伏遇某
官道高夢野望峻經邦右商實惟阿衡帝心平倚使
趙重于大呂國勢尊安以時棟而掄材蓋儒官之司
命取上駟不遺于下駟繇遠郊遂寘于近郊凡與生
成若何糜殞其敢不力固撫字用谷使令問羊然後
及牛敢專任數搏蝨不可破蝨成告在容姦

賀湯左相啓

伏審庭漢明縉朝登隆棟轉洪鈞之一氣久矣贊元
陳泰階之六符誰其出右巖廊百慶華裔其瞻恭惟

某官智過萬人德尊一代金口木舌集聖賢之大成
淵角山庭應乾坤之上瑞充積覺民之道踐行稽古
之言以著龜先見之明致琴瑟更張之治成湯之于
伊尹所謂千載相逢孔子傳之孟軻共仰大儒之效
屬有甲兵之問不無疆場之疑邊瑣周知第沉烽于
幽障廟謨素定迄奠枕于上京副衮衣虛左之求賴
鼎鉉先前之傑注意深重額面益尊某身在方刑心
馳潭府望塵權笏莫瞻望于喬槐贊喜抽毫聊整齊
于尺楮

謝王樞密啓

起家荒戍旁鄰左袵之巢易地輔州復接東阡之吟
溢寸襟而懷德具片札以貢誠伏念某技則五窮慮
無一得自禍萌于偃月已望絕于干霄落南山之箕
久營半菽決西江之水孰顧常鱗忽叨乘障之除未
着利眊之最飢者易食謂拙政之可稱實不副名偶
外臺之並奏何期誤渥驟畀述封夸三組以過鄉敢
循覆轍歌一禰之安堵請事舊聞茲蓋伏遇某官任
重經邦道高弼后楓宸納說非克舜而不陳松漢結
成雖蘇張而猶劣夙垂推輓致玷選掄某敢不願補
毫分恪遵甲令台星西：仰光燭以非遙夏屋渠：

喜悒懔之有北

回通判啟

伏審拜息中禁贊治名城杠月楮以見詔知星屏之
且至恭惟某官材猷挺特學緼淵深英采輝山見稱
東序之秘喬枚聳壑宜應明堂之須吏作久于一行
任尚居于半刺同流王化政須康海之功高蹈天衢
難屈凌雲之氣某久聆雅譽未際英標將結好于金
蘭庶免愆于銅竹

回孔主簿啟

登仲宣之樓正遠懷于吾土曳任君之杖乃易守于

鄰邦昨藉揄揚那能僥倖伏惟某官稟暉闕里馳譽
儒林杞梓千章可謂昂霄之幹鳳鸞六翮共稱覽仞
之祥即土要津遂攄乘緼某頃雖一面忽已數年沃
若惠音顧瓊瑤之何報使之免戾幸藥石之不忘

與江州汪直閣啟

易地分符遙指高陽之里問津弭楫將披樂廣之天
敢修好于柔緘以聞名于畫戟恭惟某官覽輝千仞
擅價連城緼翔中彪外之姿挺博古達今之識縹囊
盈卷檣黼黻之躋薛白水飛榮列龍蛇之英輔自登
交石之陞遂直道家之山長倩議論有餘詳試左馮

之政次治行第一首馳西漢之聲其御杜相鄰眉塔
未步言如良藥願見枕中鴻寶之書祿必素餐免坐
柱後惠文之法

與饒州唐舍人啟

公堂懸榻記陳雷膠漆之情便部祀麾託虞虢輔車
之勢退循誤渥端出游談恭惟某官英氣吐芒清襟
邁往千仞觀儀庭之瑞几聲揚間代之音紬金匱之
圖書粲然麟趾夾紫宸之香案卓尔螭吻繇綸寵以
專城有禱歌之載驟嚴助勞侍從之事對以春秋文
翁修學校之官比于齊魯某自揆德宇已閱歲華受

一屢而為氓夙依廣廈潤九里而蒙福復竊餘波

賀張尚書啟

伏審命傳紫誥名得青毡復用張子房增漢京之氣
象有若南宮括作周室之典型置郵流行海寓呼舞
恭惟某官量包廣博識判映絲經綸自得于胷中糟
粕不膠于紙上掌建國之六典多士彈冠有興邦之
一言宵人歛衽粵從去魯誰不劇秦既摧偃月之堂
即驗反風之下三接之際百神載驩我識履聲慶細
旛之圖舊民瞻若石期寶鼎之調元必有超卓不群
之謀以振光榮莫大之治公固自任非克舜之道不

陳人亦有云豈管晏之功可許共竚施設一新見聞
某賀厦晴深掃門點阻字踰華袞已叨荐補之私物
播大鈞願恪鑄顏之列

賀何大諫啟

伏審制綸誕布從橐顯特石者實之賓久積稜之
望官以諫為職愈伸蹇之忠即狀所傳僉諧相慶
恭惟某官玉輝千仞樂奏九磬竟醲舜董絕翰墨之
畦廷周情孔思酌道德之淵源自結眷知漫居言責
幸聖主和顏而納誨故爭臣造膝以陳辭卓尔不群
如鷹鷂之逐鳥爵去其泰甚當豺狼不問狐狸欲崇

丹匭之權迺峻青蒲之拜儒先益進善類焉依視越
人之瘠肥孰疑揚子見鄭公之嫵媚必相唐宗某點
遠難翹喜同燕賀號五雲體疊榮謙牘之藏封萬戶
侯未快賓壻之親

賀朱中丞啟

伏審命播楓宸位尊栢寺幾年吳印上曰無以易克一
角我冠仕者皆嚴憚黯幅負相語網紀畢張恭惟某
官天壤斐蜚英山川稽瑞適堯舜帝王之道入洲審
德行之科茹古今涵後學者有所統弼中彪外諸大
夫皆曰賢若時題品之公自奮功名之會振爭臣七

人之職踐御史三院之班志在擊邪如鷹鷂之逐鳥
雀事先去甚當豺狼不問狐狸奉簡以聞垂紳皆震
積此立朝之望隱然執法之除虛位揖第一人其瞻
矚坐籠街過三百步孰敢並行少倚風霜寔階霖雨某
獲覲除目偶抗塵容因筆墨以貢調情均燕厦想簪
裾之贊喜望隔龍門

賀揚尚書啓

伏審命出法宮位高常伯夏官其屬六十久虛司馬
之稱武王有臣三千斯掌戎車之政郵籤四遠輿誦
一同恭惟某官識遠經邦量函德宇雅音從律中金

石于宮商濶步離倫去翰墨之畦迳早揚敷于全蜀
已減價于他揚久矣韜先筮之遇泰青瑣初批于詔
敕黃麻久演于訓辭兼麗卿雲由漢未之有也上規
姚姒下周者其誰乎遂躋八座之尊仍領七兵之舊
峻班聯于玉筍增光焰于金帶蓮帝曰識公亦星辰
而聽履人期柄國作舟楫以濟川某獲覲絲綸莫陪
簪笏寵踰華袞嘗叨荐補之私氣轉洪鈞或有鑄顏
之幸

賀王樞密啓

伏審法宮渙號右府居尊魁一星曰天樞有光乾象

面三槐者公位益峻巖瞻之傑延登頌聲騰踊恭惟
其官量吞陂項識洞著叢促筆振奇飄々有凌雲之
氣清埃擢穎赫々乎日以新頊正色以入臺不俛
眉而媚竈上既知其直道人爭仰于金名暨琴瑟之
更張見棟梁之巨用尊朝之始舉國相歡置郵流行
追大誥三盤之作樞机用密如神爵五鳳之時偶生
疆場之疑頗有甲兵之問心在王室請使者之長纓
口代可汗戢武人之蕭斧至自朔漠安若泰山王言
大哉立冠籌帷之上相尊等耳名參台鼎之間凡此
稟瀛期于霖雨某情深躍治迹阻班庭萬里折衝共

慶精神之壯四子誦德願贊股肱之良

賀沈舍人啓

伏審命播朝昕息隆接畫鳳閣日舍人之樣快觀黃
麻史官重宰相之權兼提直筆時有得賢之慶士歆
稽古之榮恭惟某官樂奏九韶玉輝千仞躋躋行遠
屈榮富得作衙官廣譽離倫賈陸毒稱于童子獨當
文陣連中儒科代言已妙于六題舉世皆期于三字
久徊翔而難進會摠攬而彙征海中有蓬瀛作莫躔
之領袖李下無蹊徑振公道于銓衡方四禁之簡材
為九重而起草煥星斗文章之麗鼓雷風號令之傳

夫惟思若湯泉然後言如出縛虞夏之書渾、爾可
以齋驅伊望之業凜、乎行將爰立其自揆符采屢
變律筭三人同行有我師嘗攀逸軌千里其外日旬
服幸借未光願嗟略于賢書免沈迷于吏牘茲因贊
喜庸敢投誠

回甄教授啓

伏審主盟儒道領職校官枉汗竹以見詒知成瓜之
已及伏惟其官器非近用學掇異聞蚤搴月窟之芳
大震雷門之響未通閣藉來續序首六七子之詠暮
春正虛品藻二千石不如逢掖乃得楷模已擊節于

鴻文更傾心于

願言強飭以速問津

回張信陽啓

登仲宣之樓正遠懷于吾土光陸君之佩乃更治于
富州未誦一行之書徒銘四簋益之德伏惟某官飛
談卷霧逸氣橫秋學本、以洽聞才多、而益辨為
繭絲于保障已播驩聲離鵬鶚之風塵依看長翮某
來游珂里尚隔瑤林願聞拔薤之規庶遣伐檀之刺

回嚴州樊察院啓

寄耳目之臺久留封外治股肱之郡密迩日邊風未
一新耄倪相慶恭惟某官道推先覺節挺後雕探聖

域之與篇聲諧韻護首英躔于淡墨名震京師惟卷
舒不隨乎時故否泰各反其類解絃之始冠豸甚休
去義府雙闕之前未伸真氣居八禮八俊之上遠振
勞埃輿人俟調鼎之期釣瀨非黔突之地某粵從志
學固已仰高庭尚高于貢基壤幸連于魯折兩岐秀
麥浸聞鄰富之諺七月食亦有賴餘彼之潤

盤洲文集卷第五十八

盤洲文集卷第五十九

啟十九首

與太平州周侍郎啟

北斗仰韓檣矣執鞭之暮餘波及晉闕焉貢牘之儀
輒干禁瑣之尊少贖後時之罪恭惟某官材優王佐
學冠儒流蚤登清切之班稚負經綸之志席前奉簡
與秋霜而爭嚴柱下濡毫藏名山而不朽直躬獨步
縣字具瞻不勝衆楚之咻自適一丘之樂迨更張于
琴瑟方復拜于旂旒迺陟天官仍司東學真賢去位
不脫冕于當時多士叩闕有舉幡之故事遠襲陽公

之迹具存柳子之書惟道大而不容必天定而能勝
屢專名郡以利斯民凝燕寢之香少煩重外作巨川
之楫行且處中集留落之餘沉迷于此小侯事六國
正勤鄉往之私清渭分濁涇庶托品題之末

賀饒州周侍郎啓

伏審秋浦政成受白髮龐眉之餞螺洲頌作喜朱轡
身蓋之來初令一新英釵四達恭惟某官文穿月脇
名埒斗魁闕豹管之一班衆知退步讀韋編而三絕
久積多聞既挺拔于俊躔遂表儀于侍索典選振山
公之啓披文彰刁姓之非自出帝城屢專民祛茲鳴

珂之密迹同衣繡而少留君薄淮陽耶方凝旒之重
外誰踰仲卿者必補袞以虞中某頃高珠庭綫周玉
燭薰葭所依嘗分芸閣之光桑梓未恭又賴瓜疇之
潤

賀吏部沈侍郎啓

伏審顯盼帝制真武天宮黃麻似六經寶璐已高于
紙價青毡曰舊物精金遂燬于帶圍即狀播傳儒流
歆艷恭惟某官人中間氣天上謫仙以昂霄聳柱之
材有歛矧焠鋒之器淵源道德異乎綆短以汲深星
斗文章所謂芒寒而色正茲重闕于紫闥因以憇于

西垣兼麗卿雲由漢未之有也上規姚姒下周者其
誰乎凜封誥之直聲見改絃之公道欲革三銓之弊
復思一代之英藻鑑既精甄陶可必其情深深賀厦趾
阻登門快此之播大鈞既聞輿誦吹噓而起窮羽有
待片言

賀汪佇郎啓

伏審正色左臺御史聳殿中之職拜崇南榻惠文光
杜後之儀風采益尊見聞皆震恭惟某官寶偉鼂采
譽剋月評克醜舜薰絕翰墨之畦徑周情孔思酌道
德之淵源自秘府之校文以清埃而露穎一言寤思
共慶高憂國之風六蔡分官即有事端之語如鷹鷂
之必逐鳥爵當豺狼則不問狐狸白簡凝霜方宵人
之落耻巨川作楫期良弼以調元某賀厦情深掃門
趾阻齒牙借譽每叨華袞之褒羽翮問程有待洪鈞
之播

賀陳察院啓

伏審出綉法官振纓憲府繇太史而為御史四海聳
闕遷元方而名季方一門鼎盛輒財小牘以述僉言
恭惟某官樂奏九韶光分五緯休揚令問赫々乎遂
日以新刊落陳言飄々有凌雲之氣遠迎爭傳於師

說卷舒豈自于人為達解瑟之清明果着鞭而蹕屬
既登文石之陞遂陟道家之山金馬造車居丕安上
車之諺阜鵬始擊其瞻冠豸之威少煩明日張胆于
歲月之間即見聚精會神于槐楓之上某操心函丈
洗耳速郵聞伯夷之風再三立懦效貞公之喜萬一
噓枯

賀陳殿院啟

伏審出言法坐進步憲臺山岳動搖已振豸冠之職
夔龍接蓮益崇鸞羽之班朝尊瑞人士作嘉頌恭惟
某官量涵德宇識遠經邦執古道之權衡諧正教于

韶護望傾後學仰北斗之垂光名滿縣區軋魁星而
齋色遲徊久矣問譽沛然自復入于帝都城即高驤
于朝路西崑彰組居張率之清官東觀細書祔董狐
之良史暫騫粉省嘗欣黃樞俯從六察之游茲慶副
端之拜人中屈軼惟直指于回邪柱後惠文咸其瞻
于割介風霜是畏霖雨可期某獲親連郵正拘左契
投衿布武莫勤側履之迎貢牘操心敢贊典籤之喜

賀禮部金侍郎啟

伏審顯膺明制進陟清班監二代以從周上方稽古
典三禮而咨伯時可恤功遠暨速郵略無異論恭惟

某官逢原貫變挺操剛方白日青天名御高明于輿阜
黃鐘大呂脩和料于律同項正色以入臺不愧眉而
媚杜鵬鴉匪衆禽之偶豺狼空當路之群惟道大而
不容故天定而能勝尊朝之始通國相驩果聞前席
之談妙簡細旃之聽臯陶為理解禁網以破觚伯臣
司宗告官箴于執土共期調燮以慶榮懷茲逢荷索
之除尚謂出綸之晚某脩負仁里惜濶滎河仰先達
之姓名如瞻箕斗遙下陳之賓客正昂雲泥

與交代沈正言啟

伏審簡在淵衷改臨輔郡告舊戶之政愧此一麾採

遊童之誦期于五袴先轍所暨公論咸歸恭惟某官
星斗吐芒隨和稽瑞以習是勝非之學為閩中肆外
之文章爾昂霄壁千仞而獨立淵然韜世陂萬頃以
有容自高羽翮之程無籍齒牙之譽憲臺剋身嘗振
職于風霜諫紙嬰鱗豈竄名于雷電少遲簪筆不鄙
建旗潤九里而福京師雖倚賢能之力先一州而後
天下恐非君相之心寧俟突黔即迎環賜某已書下
考無補秋毫久馳慕簡之誠尚阻識韓之願積薪居
上固揚靴之可輕解瑟更張蓋匿瑕之有望

回張侍郎謝送登科記啟

伏以錢萬選而中品事播家嚴佛千名以作經聖尊
時傑會粹甫成于槩本發揮猥辱于賞音華袞可踰
莫瑤何報恭惟某官識窮萬戶語妙二京工軋漢周
擅燕公之大手高出晉魏信籍也之善鳥蚤濟美于
八科疊颺芬于兩穗盜環決獄蔑聞天下之冤簪筆
立班有美省中之語某空踈不學編刻非才一卷之
書必立師既阻得三之問尺牘所傳以為法永誇儼
六之藏

賀刑部張侍郎啟

拜命嚴宸并華禁路方君行仁政

朝令之更久

下無冤民尤重秋官之實除音所洽善類相欣恭惟
某官學洞丘墳文擒黼黻黃鐘大品函和粹于律同
白日青天仰高明于輿阜早摘鬣于上第宜策足于
要津久矣徊翔沛然譽處暨清朝解懸先望士以
握蘭孝宣中興工既精于技巧阜陶為理刑幾措于
累囚茲度出綸遂榮持索仁人既進解禁網以破觥
輿論所期清巨川而作楫其久違崇仰快覩連郵貢
牘搢心敢贊典籤之善提衿布武莫勤例履之迎

回蔣通判啟

幾年聆德固望岫以搢心千里寄殷若揮談而對面

深銘水好采激私情伏惟某官智術疏通吏材英發
盤錯素彰于利器委蛇無媿于素絲歌別駕之功嘗
翱翔于名郡下封轅之召即凌厲于滌涂某邈在山
城濶然賓序鳳毛獨秀既欣王事之同屬足遠飛莫
報書郵之况

賀吏部凌侍郎啟

伏審中宸作命小宰得賢并九里之潤以福京師効
稱異等掌六典之貳以治官府象孰間言恭惟某官
媿德昭隣清規出類黃鍾大呂參嶰律以含和北斗
泰山偃儒紳而蹈景自解絃而更化即結綬以立班

螭吻獨擅于史才鳳閣共推于文樣正朝夕論思之
美卓尔得君以春秋褒貶之嚴翩然出畫連得三刀
之夢中提六蠹之權峴首揚聲說輕裘之叔于昭亭
覓句接澄練于元暉政成當五月之初環賜出九天
之上少煩清鑑丕變樊源前馬後盧寒素洽彈剋之
喜左周右召途遐指調鼎之期某滌耳速郵搖心賀
履小侯事大國西分東壁之光他日有珠恩倘陟西
階之級

賀吏部汪侍郎啟

伏審大昕疏寵小宰立班李下無蹊賴典銓之清鑒

遂上有徑迂傳命于速郵賢者尊朝人皆賀野恭惟
某官中興間氣元精佐臣河目龜文應乾坤之上瑞
金口木舌集聖賢之大成自首中于鼎科宜立登于
要路不能媚灶適即引舟易地而贊黃堂再斯可矣
計年而得朱紱一何鈍耶會泰道之改絃入莫躔而
影組剛腸故在直氣不迴屢談造膝之忠久復乞身
而坐去看巧宦躡取美官老之藏道之蓬頰袖久推
于虞監周曰庠夏曰校範模孰出于陽公茲聯筆橐
之榮少愜簪紳之望掌六典之貳以治邦國固已逢
辰遂萬物之宜而理陰陽其誰舍我某情深仰斗迹

阻披雲袂北之播大鈞必收棄物吹噓而起窮羽敢
幸衷言

江東提舉謝宰執啟

影組王畿突不黔而避舍乘輅鄉部印已佩而入疆
街德泰階貢誠小牘伏念某生而能薄仕則數竒自
解瑟之更張兩建旗而無補四牡懷歸于周道已叨
就日之榮六鷁退飛于宋都誰嘆去天之遠重來江
介豈應星文陟彼景山籠厥搶旗之利亦有高廩察
其雀鼠之欺所惧弱材難逃大謹此蓋伏遇某官純
誠弼后善計安邦以公道而提衡為儒冠之司命大

柔細補罔非繩墨之分後鴈前鴻併受羽毛之賜乃
如謏薄亦玷皇華其敢不自策疲駕靡忘夙夜蚩牛
羊而已矣當服官箴問錢穀之幾何敢為文具

謝前平江朱舍人啓

引車避道望浸遠于日邊夸組入御迹不離于江表
謙槩已尊于四益報章有覲于七葉伏念其極陋至
愚數竒不耦稍整傷弓之羽再慚賣劍之風過鳳闕
以乘軺未能點突遇領原之剖竹不暇塞帷官名幸
得于舊毡官路仍尋于故步雖云食祿之有地頗似
取漿而值涼鞅掌之初憚懔是賴恭惟某官堪輿嘉

瑞筆橐前英蕙麗卿雲獨颺教于藝圃上規姚姒早
出樣于綸闈中遭偃月之諫久蟄衝星之氣會法宮
之摠攬起盤谷以騰振連把一麾咸歌五袴澄江練
淨孰追逐于高吟燕寢香凝復芬芳于故事品藻每
私于賤子皇華遂點于外臺倘非良藥之規寧免素
餐之責某私叨誤渥謂借末光未報雙魚同作去吳之
客重瞻疊嶂但思事楚之時

賀中書虞舍人啓

伏審逢辰得志接畫䟽思螭頭記天子之言久藏金
匱鳳閣目舍人之樣真觀冰銜士歆稽古之榮朝享

用賢之福恭惟某官瑞澤玉壘學禪登籟酌道德之
淵源高跡千古絕翰墨之畦疇自或一家遠陟王城
即登冊府身為國史濃薰班氏之香口伐可汗不屈
漢庭之節既判花而試可宜鳴玉以躋華况邊塵牙
孽之秋賴禁瑣論思之傑山東聽詔使扶杖有感奮
之心淮南寢謀無登蒙相姍笑之語得人之効從昔
居然少頌龔六之辭共恢書一之治虞夏之書渾々
爾孰敢並驅伊望之業凜々乎自然平步某契緣鴈
塔好董鶴原甫睽馮于趨隅竊瞻翹于賀厦寵踰華
袞已叨一字之褒綸氣轉洪鈞必荒八荒之棄物

賀劉制置啓

伏審誕揚帝制寵建使名勾以不滅無以家為壯懷
奮矣諸將于是皆以為兵屬初令聳然對壘震驚提
封呼儼恭惟某官名聞華裔忠貫義城異表魁梧稟
光暉于川嶽群書該洽講治乱于古今功皆立于穎
濱威遂傾于松漠會姦臣之擅政主和議以銷兵養
氣衡湘久鬱輿人之望建牙荆楚近分旬服之權高
穹開悔禍之期獲狄倡改盟之說加九重赫怒諸道
出師惟發維指示之得人則磔裂分裂之有日疇咨
貪論無易元勳乃盡護于列營冀中興于洪業戎車

終動虜帳潛奔仰多筭之乘机宜故都之迎蹕清中
原而復濟已誓長江絕大漠以暫勞即刊隆唱某自
傳成命竊激懦衷聽綸申羽扇之談莫參檄筆撫箠
食壺漿之俗願竄辟書

賀劉右史啓

伏審命播域中班高柱下東現為老氏之藏久振華
纓右史書人主之言共尊直筆朝有得賢之慶士歆
稽古之榮恭惟某官雅量測深清襟邁往龜千年而
五總鶴九臯而一鳴博物洽聞學周公仲尼之道同
工異曲有相如揚雄之風早模範于天枝已繼橫于

制草不能媚竈文復杜門既解瑟之更張始着鞭于
嚴召賜階麋之墨文已應星峩獬豸之冠勢能操岳
作英游之領袖騰廣譽于薦紳黃屋深知赤墀親擢
人瑞有鄭仁表行橐齊肩古事問高伸舒奮也唾手
某不瞻芝采屢變葭灰投刺就階近失拜塵之礼財
緘賀厦預欣躍治之期

賀戶部劉侍郎啓

伏審寵趨召節歸冠從班乃立地官以王卓然振
職不有君子其能國僉曰得人恭惟某官天壤知名
山川稽瑞飛諉卷霧一坐盡傾遊刃發矧千人皆廢

蚤乘槎而繼壑已簪筆而立朝何物含沙厄風波之
洶湧幾年茹蠱閱嵐障之卷舒金百鍊而繞指不柔
玉三獻而則足非罪會改絃之盛際即植蠹于介藩
長城方倚于壯猶綠野忽濃于歸興惟貨財源流本
末未易虛談况金革沸渭汾法有加常費既左支右
吾之不給且上溢下漏之孔多言利而析秋毫詎堪
俗吏思改而勞旰食孰尉淵衷倘非心計之英定有
頭會之患上能圖舊公必先前蓋舉偏補弊而多寡
得宜則散聚取贏而公私稱足笑鞭擬古豈管晏之
功復許乎朽貫指期匪晉楚之富可及也更洵碩畫
同却妖氛素聞個儻之風必越拘寧之見使中原遂
悅于左衽斯兩地益美于舊毡采之公言敢為累句
其誠深即斗迹阻披雲恭階有六符之經其瞻調燮端
木為萬乘之器竊冀選掄

盤洲文集卷第五十九

盤洲文集卷第六十

啓十七首

賀建康張相公啟

庭揚坦制節挽留都復用張子房人始知于良策今
朝漢社稷年新教于中興奔走郵籤震驚邊帳恭惟
某官材苞文武忠格神明榮感守心常生作噩之變
咸池洗目能返大昕之朝初秉執于鴻樞即尊安于
龜鼎桐參歷井國功遂固于西岳踏晉批周相業豈
談于前代土應棟隆之吉外消戶門之虞出黃石穀
城之緒餘掃青草洞庭之蟠結威讐四夷之長名知

三尺之童何物吠聲舉天飲氣怪已摧于偃日毒尚
噴于舍沙速登侯德之丘色無喜愠再既反流之得
時有屈伸惟用舍繫國之安危而勝負視公之發縱
居否既極旋乾匪難幸悔禍之昌期稔叛盟之醜虜
九重赫怒願割地之請焉可從二帝陟方豈戴天之
讎而不報廟謨潛定戎旆交馳偶遣將之疲駕致涉
淮向猖獗我師弃甲不競南風之歌有馬飲江孰思
多壘之辱人心正恐天意已回逢黜册之布宣快與
情而呼憐必資英望始卻妖氛安石將如蒼生何自而
有折衝之畫魯人猶望高子也願嚴以取之程棄机

畫復于故疆當軸聿迎于舊物某寅緣先世誦躍大
鈞盥手發函屢拜一行之賜驥_眉茸_眉毒_眉廢_眉叨_眉三握之
私

賀吳殿院啓

芝檢疏榮相臺進步動搖山岳眷自結于紫宸接造
夔龍班益尊于黑豸端人益國嘉頌塞塗恭惟其官
色正芒寒心精辭綺高標聳登仰喬木之千尋利器
切渥別良金平百鍊遭迴幾載舒卷有時自復入于
帝都城即高驥于朝路暫分六察遂陟副端柱後惠
文咸具瞻于風采人中屈軼惟直指于姦邪大振紀

網即專機柄其夙叨一挹屢辱三熏斯遠庇于御雲
阻再披于巖電削蕭氏之牘雖結恋于離群濯貴禹
之冠敢纓情而效喜

賀留守湯相公啓

肅驅駟傳光佩麟符朝廷不知周大夫久歌哀繡閣
中既留蕭丞相必洗甲兵九廟尊安二邇震疊恭惟
某官材推帝賚望峻民瞻窮遠測深馳古今之千載
植僵興仆踰前後之數公玉燭斯調炎精益煥慶泰
階之卓不懷綠野而翩然居東既鬱于輿人虛左至
為之累月夕漢侵起晨食靡寧當瓜步已應童謠恐

棘門或如兕戲勞軍下詔擇日戒嚴乃注想于棟梁
以責成于管籥霖雨之恩賢佐孰應駿因半夜而受
神釐遂前龍席忠已殫于石畫喜果動于咫顏冠規
殿以立班入經帷而借步瞻茲行闕倚我上召雖宋
璟留中不從東巡之駕而房喬居守可無西顧之憂
行復疆封再還魁柄某方漂宦海維步沙堤精神折
千里之衝式看偉業離奇為萬乘之器終托洪鈞

賀柳運使啓

伏審戴星叱馭涓日視章咸屬耳于前驄獨驥眉于
英矩恭惟某官韜藏遠業充物多聞璜珩呈韞櫝之

珍杞梓自昂霄之幹措刑天獄解密網于秋毫茶足
用地官腐太倉之紅粟屬挫茲之犯塞遂增竈以防
江六轡有光以穆寧立糧者敷也千金所費必孟子
持籌而笑之大愷奏策勲要津唾手某久聆廣譽幸
借餘波敷社論心將揮仰高之恨裁緘寫抱少仲替
喜之誠

謝兩相還隔下年月啓

日月逝矣失未收于東隅江河摧之笑不騰于北壑
貞誠小牘拜况大鈞伏惟某智不用身塞而知命昨合
沙之巧中閱過隙以嚮徃長曳裾何王之門枉尋豈

敢卻行求前人之影退尺自憐逢黃屋之改絃焚丹
書而彈舟子又有子既齒髮之浸衰春非我春独銓
曹之相厄念光陰之不再賴造化之可投遂獲舊毡
少增短明右渠通籍固夢斷于昔游朝散入街將坐
躋于正秩信眉竊喜鏤骨有銘恭惟某官道德致君
功勲闢國計安天下猶泰山而四維澤任溝中作霖
雨于大早畫掃銅人之槩蔑聞失職之嗟軫及孤蹤
還某故步某敢不隄防墮甌創艾傷弓思枯魚涸轍
之時况能相笑感黃雀銜環之事人豈不如

淮乘總領謝宰相啟

寄倉臺之使指方點鄉閭晉京口之軍洎遂聯省戶
視章蒞職貢牘酬息伏念某學陋寡聞器拘小用兩
州撫俗媿任崇拔莛之規旬歲慮僚捐倚頓鹽鹽之
利正虞顛絀敢親襄遷名選依烏想天街于夢寐智
殊汎馬嚙江道之轉輸方朝廷易將而築壇况淮海
濟師而增灶多益辦孰流地土之錢陳相因必
積塞下之粟豈容謗薄乃冒使令茲蓋伏遇某官致
主德咸脩邊慮蜜璿璣以吞七政氣應變調尺蠶以
筮四夷功成談咲問金穀甲兵之事用稱櫺案稅之
材欲五將軍不患乏興恐一書生弗能塞責某敢不
自鞭鴛乘上峇化鈞拔抱鼓而立軍門使之宿飽給
餽餉不絕糧道戒在空餐

賀汪參政啟

顯拜制麻進叅國秉忠臣謂之骨鯁久賴讜言執政
猶吾股肱具瞻良弼播傳所暨欣詠則同恭惟某官
道秘沉潛德輝發越友古人于千載脩和氣于四時
玉潤金聲深造淵源之妙塊意琦行外無表襮之華
自得路于青雲即受知于丹扆論諫皆本仁義卓爾
囊封吐茹不以剛柔瞿然簡劾方上流有攘狄之役
以狄坐為覩師之行羽扇指麾聳逗過之大將靈旗

踊躍歸侵軼之故疆遠卻妖氣上寬吳食當和戰之事未定而攻守之識並興必倚人英采司國是公輔闕于兩社式轉洪鈞天子守在四夷共硯上策某材慚樗櫟契託粉榆燕厦落成欲奮早飛之羽螺洲前定茲行大拜之謠

賀袁正言啓

跼膺制綽進陟諫坡速郵傳彈擊之詞縣寓起燮調之望恭惟某官儒林宿學藝圃軼材人傑地靈稟光輝于川嶽仙風道骨挹沆瀣于蓬瀛初步武于金闥將模範于玉葉既登 陛 入憲臺曾黔突之未能

已昂霄而橫絕振爭臣七人之職致明立三代之隆削藁奉公欣衆正之開路伏蒲獻可待一言以興邦某職有官箴禮難賓謁聽朝陽之鳴鳳竊激懦衷爲寓遠客之雙魚庶通鄙抱

賀張少傅啓

伏審誕布制麻進班孤棘武丁得一傳說致商道之復興江左自有夷吾知胡人之必滅慶于廟社教塞乾川恭惟某官盛德格天誠心憂國掃清君側紀虞淵取日之功鏖戰閨中得高屋建瓴之勢起燕間而制閭慰遠迩之瞻巖籌邊如卜于六龜增灶浸營于

萬弩忠將誓楫利在投机赫英主之龍飛思宗臣而
駟召介圭入覲繡黼來歸信眉乘縱壑之秋造膝畫
興邦之策連朝或問設醴中吳幾于傳餐台鼎位虛
有欲為王留者甲兵任上疇咨曰汝往哉乃陟貳公
之尊以受八面之敢開莫府于犂牙之地護行都猶
奠枕之年導桐柏而會泗沂聿新使範分甯參而界
韓趙大略國名制五軍千里之屯邑四履十連之寄犁
庭可俟貔虎俱有開心偃革而旋貂蟬茲惟故物某
頌絲綸而溢喜因筆墨以貢誠憲宗任裴度為難古
皆如是鄭人報東門之役今豈不能效勒景鍾永光

汗簡

回常州知郡啓

伏審式差穀旦來憇棠陰凡千里之提封皆一詞而
詠德伏惟某官受材卓偉函器宏深杞梓千章見謂
昂霄之幹瓊琳五穀共推瑞世之珍自歷華途共傳
美譽果拜絲綸之寵超分符竹之榮揚贈扇之仁風
芬芳大播沛隨車之甘雨惠愛無私願以薄材遠依
餘潤曲枉一行之寄但銘四益之謙

賀宣府陳舍人啓

伏審光膺三接疊慶九遷綸出詞闈方欲鼓雷風之

號令節兼帥聞又將加草木以威名即狀斯傳與人
相賀恭惟某官韜經濟之業妙深湛之思譽早冠于
英躋望独高于某路國史咸稱良葦寧阿意以特書
人主亦有逆鱗敢犯顏而直諫輟後三院進表六官
唯武步必講于軍防以王人周行于淮甸屯田具便
宜之奏保障有險要之困借箸以籌凝旒有喜天庭
揖遜仰帝舜之重華人傑延登先甘盤之舊學甫拜
西垣之命即分北鄙之憂蓋乾坤開撥亂之期使夷
狄箱發蒙之語畫疆指置使貳秦階六符之權掌鑰
殿邦行方伯連帥之職仍冰銜于鷗閣新油幕之麟

符瞻前無鄰自我作古埒清邊而託事即當國以調
元某鞅掌無庸忤懷有託理財給餉俱不稱于使令
極武視師幸窺于方略

賀方頌江啓

伏審課最乘邊息隆易地長江古為天塹密護行都
千里方曰王畿斯名重鎮歡呼比屋企望高牙恭惟
某官量若海涵識猶龜卜盤根錯節知利器之有餘
赤箭青芝見敗皮之何用惟曾次足紛綸之學故人
中推超卓之材自舟退于急流幾轍環于諸道芳埃
所播衆譽迫歸并擁輜軒孟博有澄清之志六分符

竹道州勞撫字之心當淮濱大蹂下腥羶独泚水昏為
之煨燼疇咨哲艾還定流逋擗可買而已徧于田疇
蝗雖飛而不傷于稼穡共稱慈父丕變樂郊為氓俱
受于一屢報政遂感于五月榮開天上宮近日邊級
直不薄淮陽折衝有賴叔度之來蜀即敷惠何難即
迎紫索之險寧為黔突之計某自離賓幕屢搜律簡
豈期給餉于轅門復遇凝香于燕寢訟棠可款曾無
步武之遙蔭樾馬依更借齒牙之助

賀平江沈傅侍郎啓

伏審移輪天末擁戟日邊已篆滌而颺芬庸發函而

贊喜恭惟某官卓然人瑞藉甚吏師學該治忽而恥
作虛談德稟雄剛而力行直道再分郡寄有夔遂之
遺風三仕京華無子文之喜色詞掖交斷窓之請銓
曹莘盈几之私懷鮑宣飢渴之憂上賈誼治安之疏
迹遐相語鯁亮有教繫今日之輔藩独長洲為佳地
接近鳴珂之里傳呼持橐之臣竊聞班錄之初已見
恩威之並老菴削迹編戶信眉凝燕寢之清香棠陰
間暇開高秋之紅旆竹使尊容榮方廷中歷召于敢
言况海內芒期于與政即尋八覲之詔復結去思之
情其密迓門闈焉休宇覆問一歲餞穀之八正仰殘

膏交四鄰賓客之辭敢藏窘步

賀兵部周侍郎啟

伏審入覲咫尺顏復審禁防胡塵未靖捧武部以非輕
國勢既尊慶故疆之可復郵音所暨輿誦載騰恭惟
某官古學貫穿時名暴白懷孟子敬王之道抗霍光
震上之威腕脫杞推閱檢人之馳驚燭照龜卜決邪
黨之消亡以砥柱而障頽波蓋疾風而知動草改絃
之始荷橐于中益高難進之標不改後彫之操翩然
出畫久矣專城會上聖之龍飛先群公而駟召造膝
皆光前之說沃心無見晚之嗟方興闢國之師遂摠

司戎之柄匈奴直百年之運必覆妖巢宰相遂萬物
之宜共期隆棟其情深仰斗迹阻披雲給餉軍門六
是夏官之屬儲材容館敢追望士之蹤

賀戶部趙侍郎啟

伏審拜命中宸為真左戶播蕩綸于六幕榮寶帶之
九鑠恭惟某官充牣多聞縱橫利器光前絕後名聲
顯于朝廷肆外閤中議論冠諸宗室久審禁密妙簡
淵衷足用地官斗筭之徒何算也伸感天府銖兩之
姦皆知之以細批而揖空遂青毡之圖舊蓋萬旅雷
驅之後正千金日費之時自非鞭算之過人安得賤

流而富國實材復用輿誦道臨助成再造之勲益對
非常之渥其自憐翫獲託併懽率屬分曹身島紅
湖之上裁緘遣价心馳階闥之間

賀陳運使啓

伏審言出明綸任隆膚使已入疆而滌篆敢憑驛以
裁緘恭惟某官峰距高明材能超詣詠羔羊而厲節
參軌前英瞻黃鵠之凌空著鞭夷跼身蓋溢昔禰之
頌來軒攬沃轡之威吹噓既徹于榻前飛輓孰踰于
轂下二星所次應穹漢之編珠曲牡載驅迹清班之
鳴玉其夙聆廣譽未際高操督餉轅門正懼西曹之

謫搖情宿忝願分東壁之光

賀張樞密啓

伏審嚴宸因舊密地陟明運籌帷幄之中遐衝震疊
斂祗廟堂之上神器尊安庶陞有光塗川相慶恭惟
某官聖門覲妙昭代蜚英識極高明質著龜而不惑
氣全剛大壓嵩岱而莫搖共尊難進之風獨保後凋
之操龍飛有作駟名鼎來安石將如蒼生何難從雅
志魯人猶望高子也拱族近音方宿留于中途即延
登于右府入朝之始通國相驩天子守在四夷式覲
上策公簡輔間于兩社郵轉洪鈞其躍冶情深班庭

此阻螺州前受知爰立之有期燕履落成何早飛之
足歎

盤洲文集卷第六十

盤洲文集卷第六十一

啓二十一首

賀中書張舍人啓

伏審朝昕出命接書疏思御定振烏臺之威筆端可
畏舍人亦鳳閣之樣紙僧浸高士歆稽古之榮國受
得賢之福恭惟其官驪洲瑞世冰堅照人掉鞅軒轟
淡墨提乎鼎級吹藜燁燁雌黃匝乎蠹篇得召節而
復來入著庭而橫絕接武赤墀之下玉壘益光去邪
雙闕之前銅山俱破遂藏黑身爰對紫薇一札成文
雅思未嘗諂尋五花判事英躔真若聚星名已冠于

倫魁材共期于丞弼其情均燕賀望禹雞翹問金穀
以備負卿雲通託想簪紳之贊紳喜宿霧難披

回諸郡賀正啓

伏以太極函三氣斯分于人統林鐘益一數可付于
律筩對歲事之權輿萃候藩之第祿伏惟某官軼材
耀穎盛德照鄰緩帶輕裘凝清香于畫戟盤根錯節
發游刃於新礪今旦斯逢長年可頌金窠塔而矯首
憑書驛以馳心

賀朱鎮江啓

伏審鷺序借材寵河圖之高閣虎符拜命鎮天塹之

雄藩既過家展上冢之榮想泛宅作下車之計恭惟
某官激芳聖域紹美相門朱草嘉禾披瑞篇之珍物
盤根錯節發利刃之新礪頃督鑲于淮濱實建臺於
京口清埃載道比屋知名入補穡臣腐太倉之紅粟
進蕙棘寺解密網之秩荼會并里之難某人輟九卿
以重茲選民情昏已素習郡政斯可速成文駟來迎謂
五十年當貴亦福矣褒衣歆改聞二千石之到而瞿
然某稍濶英壘遂依德蔭伐柯取則正尊前事之師
析札抒情恐獲後時之譴

賀張都督啓

伏審臚音庶陞置使樞庭提江淮表裏之封重開幕
府江將相安危之意再造皇家荒裔滅心泰階齊色
恭惟某官著龜光見松栢後凋當聖哲馳騫之時洞
文武弛張之道人憂多壘國倚長城謝傅總軍宴衍
可清于群冠晉公督戰功名夙震於四夷強弩爭驅
靈旗有待受降盈光祿之障擅憤指冒頓之區入籌
幄以同寅相尊守耳出言綸而詆布朝論翕然旗鼓
一新營屯如故空妖氛之退舍無絕塞之傳漢兵事
節度皆付公益陰劇委天下平治誰舍我庸慰其瞻
某仍世蒙恩弥年稟命大鈞播物詎遲造化之功千

里饋糧敢後推蘇之變

賀太平州虞尚書啓

伏審牽絲離闕滌篆專城千里迎新甫森兵衛之戰
一麾借重非厭承明之廬仰風采之先前懼音郵之
落後恭惟某官世推詞伯天挺佐臣書笏珥彤立螭
坳之要地荷橐著紫儀鷗閣之漬班會獷狄之嘯凶
貳元樞而經武獨高秘畧迄掃妖氛運籌帷幄之中
聽履星辰之上任秣馬厲兵之事為捫參歷井之行
捐節故鄉相如諭蜀父老犒師新境三輔見漢宮儀
遠趨尺一之程塞迓魁三之象並塞復驚于多壘緣

江莫急于价藩羽扇綸巾牛伯席往年之勝輕裘緩帶虎符分中具之憂少埃解嚴即期熙載某不披宿霧再變春灰茲給餉于南徐獲分光于東壁使之代斲已為蟠兀之光何以免讐更賴餘波之及

回霍新息啓

造榜棘闈標名鴈塔雖科甲第五同杜收之嘆而鄉間寡上有吾丘之夸伏惟某官穀叶舜儀實參郅握聞仁義道德之說講習淵源識鳥獸草木之名貫穿訓故既問津于宦海即彰組于榮途介弟得人竊幸一莊之獲瘥公責于徒勞異月之筮

賀王侍御啓

伏審命出前旒權尊橫榻幾年美印上曰無以易克一角我冠仕者皆嚴憚黯幅真共語網紀畢張恭惟某官天以剛方古之直諫廣庭大對洗凡馬而一空要路重来別良金于百鍊方招諸生而誨道德之說已立右陞而書起居之言凜朝望之無鄰慶臺瑞之獨步惟雌黃夙判于胷次宜白黑大明於華端去奸邪于濩闕之前義方之聲不墜語軒檻每數刻而罷仁約之春益深孤忠不避于嬰鱗群枉相驚而落胆風霜若是霖雨可期某引脰雲達庶身江介望風而

解印綬未敢賦歸餽糧而後推蘇所憂獲謹

除司農少卿謝宰相啓

兩載供軍無補千金之費亞卿分職忽叨九扈之榮
旻飾燕音銘藏大播伏念某續鳧則病處鴈不鳴天
既賦之材驚人皆知其綆短失瀛洲之故步久禹朝
班盜列宿之虛名外司戎賦增竈出日邊之旅連檣
嚴淮外之期呼庚癸于首山偶無羽檄束春秋于高
閣焉用毛錐况襁負之東歸後縲俘之北至折豪言
利者鮮矣上策張願須哺則倍于曩時問一歲之錢
穀幾何豈能贍用餽千里而樵蘇在後所慮乏興曾

茂微勞敢圖明陟竊揆僥逾之故悉由造化之私茲
蓋伏遇某官任重濟川旌尊挈國和玉燭之四氣開
壽域于八荒政事內修有輸平之獷狄巧拙雜進無
飾詐之宵人恐絳老之辱泥塗若周公之下白屋曲
憐棄物良苦麤官借其惟月之祿廣此如雲之覆某
敢不思惟推擇畏懼曠瘵財貨未豐媿洪羊之心計
歲現可獻戒顏異之腹非

回郡守賀除少卿啓

給釀再暮悞軍需之不足竄名九列慚使指之無功
揆謏薄以爰堪知游揚之有故恭惟某官高標聳登

瑞物媚川夢既協于三刀歌已喧于五綉奉夜半之
問將寤意以塞華檀月旦之評每過情而借譽致茲
誤渥迺及衰蹤頹弱楮之未緘拜珍題之先辱宿階
何遠尚乘宿霧之披譴域可逃更賴餘波之及

賀湯左相啓

伏審庭宣顯冊位峻元台黑頭人曰三公嚴瞻已久
青毡我之舊物昂任逾新廟杜尊安華庚稱頌恭惟
某官聞多而約氣大以剛一槩諸聖而讓重黎名超
前哲五尺之童羞稱曹陸文擅正嚴蚤符夢卜之求
獨畫都俞之美開通公道室塞侍源帝達四聰選卓

陶不仁者遠矣天享一德若伊尹則見而知之中尋
綠野之游甚鬱蒼生之望會聖君之繼代思舊弼之
贊元復作棟梁兼籌帷幄定國是則自治為上策固
邦本則若烹夫少鮮兩宮咨調燮之勳四海企弁平
之效材翹東閣無失職以書空謀寢北鄰遂乞盟而
款塞方將豐財而圖朽貫之積誰謂忘戰而生藏械
之疑盡後先進退必度于時宜凡今古安危具存乎
世監俟顛面有同于飢渴故信眉相慶以謳吟某竊
伏江干莫披何目誦賤子于百察之上屢玷袞褒器
蟠木于萬乘之前更資鈞播

賀張右相啓

伏審誕敷渙冊復正台司望赤舄于我公浸逾二紀
還青毡之舊物請視六符宗祐蒙休璣衡荐瑞恭惟
其官與輕王霸忠貫義娥乾坤資整頓之勲昂萬著
調和之效重開督府大暢王雲自陝而西召公主之
權均內外由斗以南一人而已望聳通遐城池堅固
于金湯師旅比方于熊虎傳檄而遺民蟻附抗旌則
醜類膚驚軍容彰無敵之威邊徼寧可窺之隙察秋
毫于萬里寬吳食于兩宮天欲興邦特犁庭而制勝
敵能覘國遂款塞以輸平美繡裳之來歸思霖雨而

爰立迺居宰席仍總籌惟方圖事揆策而務出萬全
蓋收功名立而可期再造登庸之始歌頌無前某久
泛恩波獲逃譴域增千金子敬帚屢玷袞襮轉一氣
於洪鈞敢奸器使

賀交代王少卿啓

伏審肅將王命來治軍須聆鼓檝之非遙革班刑之
有便恭惟某官材能超詣峰距高明朱草嘉禾拔瑞
篇之珍物盤根錯節發利刃之新斨蚤負時名已光
卽選俯仰鑑湖之上馳驅蜀道之間刺史問以六條
屢更使指天下號曰八俊遠繼芳塵茲陟農臣將特

從橐乃以屯田之奏遂分給餉之權興十萬師則費
千金自然優裕率三十鍾而致一石正賴幹旋助成
清一之勛益對便蕃之渥某二年無補百譎已盈窳
欣故舊之家來獲托子孫之契積薪居上祇慚糠粃
之揚滕柱不調尚幸瑾瑜之器

回秀州姚知郡啓

叨榮某踞脩數詞垣拜刻畫之好辭佩吹噓之高誼
伏惟某官長離覽佃結絲輝山早馳騫于翰墨之場
尚控惚十米藍之事禱歌甚播重召可期我輩登科
久厚顏于李邵吾徒掌制復束于于柳州未寒蕭寺

之盟更賴殘膏之助

回明州趙待制啓

北門攝事已積空餐西掖代言甚慚窘步誤寵莫知
所措游談厥有自來恭惟某官川嶽靈暉鳳麟嘉瑞
出神明之貴胄負標的之清規德脩忱恂獨樂東平
之善學談貫交盡讀河間之書屢誼五綉之誥疊應
三刀之夢憇棠陰而聰訟白且顯行拔薤本以抑強
嚴霜可畏每吹噓于朽質有刻畫之珍題某夙仰英
猷密依餘潤探情賓佃莫瞻五馬之光寓意畫郵奚
報雙魚之遺

回宣州陳殿撰啓

伏審疏寵出綸榮備左符之重消劉滌篆爭伸前等
之迎老推蒙休封圻改觀恭惟某官星躔隕祉月協
鑄辭卓尔昂霄壁千仞而獨立汪然韜世陂萬頃以
有容自高鴻鷺之行不藉蚺蜥之援逢丘影組久願
袖于英游柱史揮毫浸羽儀于禁蹠芳埃益卽公望
所歸方拟勅于要津乃把麾于名郡清香畫戟洽惠
霏于群編疊歸雙溪踵詩教于前躅寧容黔突即近
賜環某叨綴近班仰依餘潤搖情賓仞莫膳五馬之
光寓意書郵奚報双鱼之遺

回劉侍郎生日詩狀

五十當貴偶同治越之年八千為秩難辱借秦之諭
珠璣可玩瓊玖是慚空積感懷莫知報札

回工部胡侍郎啟

伏審契元后之虛懷尋貳卿之故步典刑所繫表着
有光恭惟某官昂霄聳壑之長材斂弩淬鋒之利器
秉桴浮海嘗久厄于謗波束帶立朝遂橫翔于禁蹠
躡載籍致君之道積平生憂國之言掇一麾皂蓋之
行領兩組青毡之舊脩周王之器械蓋賴遠猶為漢
室之棟梁竚觀偉業茲勤翰墨來訪丘園佩四益之

嚙斯唯盛德展七襄之報祇愧前聞

回饒州王侍郎啟

伏審急流易退暫違上笏之班荒政盡行俯屈左符
之寄光前聳望采暮興謠恭惟某官濟美台衡騰芬
俊軌演綸彰獨步之譽持橐起橫飛之程旱魃為災
咸慮晨炊之闕寓公作收便同畫錦之榮實為謀國
之英必有救民之策一屢復受千里更生願此居閒
欣然借潤將款繫化之論先藏烹鯉之書

荅鎮江宋尚書啟

伏審異恩享否還舊物之青毡重鎮承流凝清香于

畫戟江山勒色草木知名恭惟某官識略高明智能
超詣蚤審禁路積三千牘之嘉謨久蟄故園藏十九
年之利刃當宁渴儀形之想起家膺方面之除惠露
所霑雖誼競起即近重書之寵復歸簪筆之班念高
濶于英躔屢變更于緹律得烹魚之尺素深仰謙光
想舞鶴之高樓無因譚款

回贛州陳侍郎啟

高牙在望能聞五馬之聲健步徠前遂辱雙魚之惠
敬修短札曷報英瑤恭雅某官負昂霄聳壑之材利
歛等淬鋒之器論思獻納居紫橐之上游撫字退科

慕黃堂之下考報政已踰于五月賜環將出于九天
顧此衰遲濶焉睽焉藏孟公之牘少慰馳心覽漢聖
之書不能釋手

回錢樞密啟

絲綸出命走天下之置郵惟惺運籌得人中之英傑
國勢奠安于九鼎魁彊協比于六符伏惟某官瑞應
竛儀實參郢握片言自能寤意多士孰敢逆蹤鳳掖
摘調文嚴擲地瑣宥批敷忠力回天歲已慶于九遷
晝益隆于三接徑躋宥密仰贊規恢齊人歸鄖謹之
田用儒有効宣王復文武之士平狄可期記往日之
從容驚流年之荏苒不圖翰墨來賁丘園行四益之
慊茲惟懿德修七葉之報深愧前開

回劉侍部啟

班耿玉筍蚤竊從橐之榮符佩銀菟曲借侯藩之重
雙旌密迹四境驩迎恭惟某官學緼高明材資超詣
陟要津而濶步結當宁之深知貫朽粟陳過洪羊之
心計裘輕帶緩指叔子以肩齊精神已折于遐衝盤
錯少休于利器值仍歲秋收之損致九重旰食之憂
思忠信慈惠之師行勞來安集之政迺頌舊德遠拯
疲疇窮閭免塵甑之借嗟森戟非黔爨之地念睽違

之浸久喜會合之有期燕坐揮犀遂幸盍簪之欵郵
籤情鴈自慚劑牘之遲

盤洲文集卷第六十一

